

PUKKE!
vir al u kleurbaadjies
**Johan Claassen
Broers**
(Edms.) Bpk.
Tel. 3612,
POTCHEFSTROOM.
Kerkstraat 92.
Tak: Tomstraat 100.

die WAPAD

Amptelike studentekoerant van die P.U. vir C.H.O.

In U lig sien ons die lig.

JAARGANG XXIX

VRYPAG, 23 MAART 1974

Nr. 3.

**CACHET
APTEEK**

Groot genoeg om u te bedien.

Klein genoeg om u te ken.

★

**DIE
STUDENTE-APTEEK**

Saterdag is D-dag vir Pukke

DIE einde van Sy Edele dr. P. H. J. Koornhof se toespraak op die 23e Maart gaan die begin wees van 'n sportfees soos nog nooit in Potjiesdorp gesien is nie.

Daardie dag gaan die tokse fluit en die raket klap. Ja nee Pukke, dit gaan 'n dag wees wat geeneen van ons moet misloop nie. Die opening van die Fanie du Toit-sportterrein gaan die vervulling wees van 'n jarelange droom wat deur elke sportman gekoester is. Dit is nou nie somerpraatjies nie want hierdie kompleks word nie verniet beskou as een van die beste in Suid-Afrika nie.

Met sy agt rugbyvelde, byna 'n halfdosyn krieketvelde, nege netbalbane, 22 tennisbane (klink amper soos die Rosenkowitz sesling) en 'n atletiekbaan volgens Olimpiese afmetings, is dit 'n toonbeeld van ondernemingsgees soos ons nog min gesien het.

Sommer so met die intrapslag, op die 22ste Maart, gaan die klem op sportmotivering val en wat hierdie aspek betref gaan mnr. R. W. J. Opperman, voorsitter van die S.A. Olimpiese Vereniging, die leiding neem. Dit sal 'n simposium wees wat elkeen van ons na aan die hart behoort te lê. Daar gaan gesels word tydens hierdie verrigting, daar gaan sportsake bespreek word, sake wat belangrik is vir elke Puk.

MASSA

Maar die belangrikste van alles is dat die klem gaan val op deelname deur die massa. Dit is julle kans mense, of jy nou tennis speel of in 'n koshuis se derde rugbyspan is, jy gaan jou beste lewer want dit is jou sportveld, dit is vir jou beswil daar gestel.

Kom ek begin eers by die groot en belangrike sake. Wat dinge aan die rugbyfront betref, belooft die 23e Maart om 'n dag te wees soos min.

Puk se eerste span draf uit teen 'n gekombineerde span van die ander universiteite en Spelers uit nege universiteite gaan die Theos aandurf en julle moet glad nie hierdie gekombineerde span onderskat nie hoor. Hulle spog nie verniet met groot kanonne soos Hannes Marais, Springbokkaptein van 1971, Dawie Snyman, Springbok-losskakel van

die Maties en Dugald MacDonald, agsteman van die W.P. en die Ikeys nie. Ja Pukke, al drie hierdie manne sal kom wys waarom hulle binnekort na die Springbok-oefenkamp gaan verhuis.

Die tweede rugbyspan van die Pukke gaan teen 'n vyftiental van oud-studente uitdraf en dit sal nogal interessant wees om te sien of die ou talent in Puk-rugby nog nie totaal verdof het nie. Die onder 20-span draf uit teen die oorlog ('n onder 20-vyftiental van die Noordwestelike Kommandement) wat belooft om 'n harde taai wedstryd te wees.

Dan is daar nog die koshuisfront waar daar 'n paar rugbywedstryde gaan plaasvind wat net soveel opwinding kan oplewer soos die onlangse oorlog in die Midde-Ooste.

KRIEKET

Dan die krieket. Hier is groot nuus. 'n Puk-span kom te staan teen 'n Wes-Transvaalse span en hier gaan die wilgerlat praat. Die Puk-span spog met groot artillerie soos Ali Bacher, Don MacKay-Coghill en Lee Irwin terwyl die Wes-Transvaalse span met die veterane Trevor Goddard en Graeme Pollock spog.

In die loop van die oggend word daar ook 'n feesatletiekbyeenkoms gehou wat onge-

veer twee uur sal duur en is daar ook interkoshuis hokkiewedstryde en netbalwedstryde asook 'n rolbaltoernooi. Allelei ander items is ook aan die orde van die dag om kleur en luister aan die verrigtinge te verleen.

Iets meer oor die sportterrein self. Dit beslaan 24 morg waarvan ongeveer 22 morg bestaan uit sportvelde. Die terrein is geleë op die Oude Molen-landgoed, 'n geskikte omgewing soos min.

Dit het baie beraadslaging gekos om die jawoord te gee dat hierdie vroeëre moerasgebied drooggelê word om so doende 'n sportkompleks daar op te rig. Die projek is nimmer aangepak en sal ons die eer hê om die inwydingsgeleentheid by te woon.

KOMPLEKS


By die krieketvelde is daar 'n pawiljoen met kleedkamers, wasgeriewe en 'n kafeeria. Die moderne sportgebou van drie verdiepings beskik oor alles wat die sportman begeer. Daar is 'n gimnasium, klubkamers, waskamers, kleedkamers en 'n noodhulpkamer. Op die boonste verdieping is daar 'n balkon wat sowat 1000 mense kan neem en dit bied 'n uitsig oor die hele sportterrein.

Die sportkompleks is vernoem na 'n voormalige regis-

trateur van die Potchefstroomse Universiteit, mnr. S. du Toit. Dit is 'n eerbewys aan hierdie persoon vir sy lewenskragtige belangstelling in die sportaktiwiteite van die Universiteit.

Wyle mnr. Fanie du Toit is in 1902 gebore en het aan die Paarlse Gimnasium gematrikuleer. Op 1 Desember 1926 het hy die pos van assistent-registrateur hier aanvaar en is hy in 1938 bevorder tot registrateur. Hy het hierdie pos tot met sy dood in 1964 beklee.

Dit dan wat betref 'n kort geskiedenis oor die produk wat Saterdag die spil gaan wees waarom elke Puk se aandag gaan draai. Kom Pukke, ek sien julle by die Fanie du Toit.



Vooraansig van die sportgebou op die Fanie du Toit-terrein, wat 'n uitsig oor al die verskillende sportvelde bied. (Foto: Piet Fotokuns.)

Platsak studente na Europa

VIR die derde agtereenvolgende jaar bied prof. G. N. van den Bergh van die Departement Geskiedenis en mnr. W. J. Voordewind van die Geografiese Departement 'n Europese toer vir platsak studente aan.

Teen 'n koste van R825 kry enige student van Puk en Pote die geleentheid om vir 41 dae Europa plat te draf.

Die klem val hier op 'n gebalanseerde studentetoer. Dit is 'n ontspanningstoer, 'n vakansietoer en 'n kulturele toer. Die student gaan die geleentheid hê om eerstehands kennis te maak met die bakermat van ons beskawing en dit op 'n ontspanne wyse. Dit is nie slegs ontwerp met die oog om Europa te sien nie, maar ook met die besondere belangstellingveld van die Afrikaanse student vooropgestel.

Die toer volg nie die gewone toeristepad nie. Behalwe die beroemde stede sal ook die platteland besigtig word. Staptoere deur die mooiste natuurskoon van Switserland se Oberland en die Alpe is maar 'n paar van die aantreklikhede van hierdie toer.

Verblyf is gereël in sentraal geleë toeristehotelle in die stede. Op die platteland val die klem op plaaslike kleur en verblyf is gereël in herberge. Besoek word afgelê in Neder-

land, Duitsland, Oostenryk, Italië, Switserland, Frankryk, België en Engeland.

Hoe klink dit? Kersfees in die Swartwoud, Oujaar in Parys en Nuwejaar in Brugge. Tussendeur is daar genoeg geleentheid om u eie ook rond te dwaal.


Wat die toerkoste aanbetref is daar geen bedekte kostes nie. Behalwe die vervoer en verblyfkoste maak dit ook voorsiening vir ontbyt en aandetes, omvattende versekering, visums, verpligte en vrywillige footjies en reisgidse, om maar 'n paar te noem.

Lenings van tot R625 is beskikbaar teen 3% rente. Verdere inligting kan van bogenoemde organiseerders verkry word.

'n Maksimum van vyftig studente kan die toer meemaak. Die doel van die toer is volgens prof. Van den Bergh om aan studente wat andersins nooit daaraan sou dink om na die buiteland te gaan nie, die geleentheid te bied.

Die afstande wat afgelê word is relatief kort. Daar is lankal geleer dat 'n mens Europa te voet die beste leer ken en nie uit 'n busvenster nie. Daarom is gesorg dat oral waar daar aangedoen word dit nie gejaagd sal wees nie.

Persone wat vir die toer inskryf sal van tyd tot tyd nuusbriewe ontvang met meer inligting oor byvoorbeeld sakgeld, taalprobleme, bagasie en immunisering.



Die lugfoto toon duidelik die sportgebou met 'n krieketveld, atletiekbaan, rugbyveld, tennisbane en hokkiebane. (Foto: Piet Fotokuns.)

Die Bult
Aptek / Pharmacy
Noordbrug Aptek (Edms.) Bpk.

★ VIR AL U APTEKERBENODIGHEDE ...
... ONS KEN U BEHOEFTE

Direkteure: Prof. M. C. B. v. R. v. Oudshoorn (L.A.V.)
Voorsitter: Dr. A. P. Goossens (L.A.V.); A. C. Dreyer
(B.Sc.-Far.) (L.A.V.) en Andries G. Coetsee (B.Sc.-Far.)
L.A.V. (Besturend).

ASTER

SKOONHEID EN SJARME

Liewe ASTER,

Ek het gedink dat dit glad nie 'n slegte idee sal wees as ons vir die volgende paar weke dieper loer na die skoonheid van die dame. Dit is tog iets waarin elkeen van ons belangstel.

WAT IS SKOONHEID?

Dit is nogal 'n interessante vraag... Want sien, elkeen verstaan iets anders onder skoonheid. Veral die manne... Sommige hou van 'n „plompe-rige" vroultjie, terwyl ander liever die skraler dame verkies. Maar nou ja, dis nie net die figuur wat skoonheid uit-spel nie. Daar is die van ons wat maar nog altyd so vaal vertoon, en bo alles ook sukkel met 'n plompe postuur... Maar asters, luister nou net wat het 'n man nou die dag kwyt geraak...

„Elke vrou is mooi, as sy dit kan regkry om haar eie sjarme en vroulike identiteit te kan vergestalt".

Al wat ons moet doen is om dit wat die natuur aan ons gegee het ten beste te gebruik. Dit kan ons so maklik regkry as ons net ons bates beklemtoon en die minder vleiende aspekte verdoesel. Dit is jou taak om jou „eie ek" te ontdek, en jouself uit te lewe soos jy werklik is. Moenie probeer om jou vriendin na te boots nie, want dit mag fataal wees.

Daar is geen rede om met jaloerse oë na hulle te kyk nie, na hulle wat meer uiterlike skoonheid as jyself besit nie. Wees verseker dat hulle weer met verlangende oë kyk na jou spontane persoonlikheid, of net jou „iets" wat jy spesiaal ontvang het. Buitendien, as jy werklik 'n poging aanwend, kan jy onder die skoonhede op die kampus tel; want waar 'n wil is, is 'n weg.

Die towerwêreld van vroulikheid besit 'n magneet wat elke man trek. Die sleutel van die deur lê in jou eie-self. „Poise" sê Anna Seymore, is die sleutel tot vroulikheid.

Deur 'n begin te maak, kom ons let net vlugtig op na 'n paar puntjies en van volgende week af sal ons elkeen van die sake meer breedvoerig bespreek.

HOE STAAN JY?

Staan jy met hangskouers

of die aarde 'n magneet is? Terwyl dit lyk of jy te skaam is om die wêreld in die oë te kyk? A, nee a, dit is geen-sins vroulik nie, en vertoon baie swak.

LOOP JY GRASIEUS?

Dis regtig nie nodig om soos 'n mannekyn te stap nie, maar leer jouself om liggies te stap. Hou jou arms lossies langs jou sye, en onthou, hulle is nie windmeulens om jou te help beweeg nie. As jy trappe klim liewe Aster, hou jou kop hoog, jy is tog trots daarop om 'n dame te wees, en wat lyk meer vroulik as juis 'n aster met 'n lang aandrok wat weet om vroulik en liggies die trappe te bestyg? Wees verseker dat jou langrok jou al die waardigheid verskaf wat jy as aster nodig het.

HOE SIT JY?

Moeg en uitgeput plof jy op die stoel neer, „want sien, ek is mos moeg klas gedraf". Om alles te kroon moet jou bene ver voor jou uitgestrek word. Nee jong, geen man sal weer twee keer na jou kyk as jy daardie houding inslaan nie. Sit altyd diep in 'n stoel, met jou rug teen die leuning. Kruis jou voete liggies (jou bene slegs as jy 'n wye rok aan het), hou jou hande liggies op jou skoot, en asseblief, moet tog nie vroetel nie.

A nee a,

EK dink dit is tyd dat beide geslagte ophou om beskuldigings rond te slinger; dit bring ons nêrens nie en is boonop 'n sinnelose stryery.

Ons is tog geen manlike chauviniste en vroue vryheids-vegters nie. Laat ons dit eerder vreedsaam uitgesels en elkeen sy deel help bydra om die situasie te verbeter.

Die manne kla die dames is terughoudend, stug en te bewus van hulself en die asters sê weer die manne is morsdood, sonder inisiatief en verwaand. Aster het jy al ooit 'n man sommer net vir koffie genoot en jy meneer, hoe reageer jy as 'n aster jou vir koffie nooi — aanvaar jy dit hartlik en kom dan ook die uitnodiging na of kyk jy haar aan asof sy jou gevra het om te sleep.

Om hard te praat en te lag trek onnodig aandag en is buitendien baie onvroulik. Wees beslis lewenslustig, dit is 'n bate, maar hou jou tog maar in. Leer die kuns aan om aandagtig te luister aan. Dit maak jou gewild, as ander weet dat jy bereid is om te luister. Moet nooit mense vermaak ten koste van ander nie, en onthou, intelligente geselskap maak 'n vrou stimulerend en opwindend.

AL OIT NA JOUSELF GEKYK?

Probeer altyd in 'n positiewe gemoedstoestand wees. Dis tog so aaklig as 'n dame lyk of sy met onweer bedreig word, 'n Negatiewe gemoedstoestand werk nadelig in op almal om jou, verder word jy lelik met harde en ontevrede lyne op jou gesig, wat sulke lelike „ouvrou-plooie" word.

ONTHOU ALTYD...

Die vier rigsgoere wat die vrou deur die lewe lei is:

1. Goedhartigheid.
2. Bedagsaamheid.
3. Takt.
4. 'n Sin vir humor.

By dit alles:

GLIMLAG!

'n Warme, hartlike glimlag, is die alfa en omega van 'n vrolike, sjarmante, innemende dame, en by dit word die uitbeelding van:

„When woman's lips are smiling sure it's like a day in spring For in the lilt of woman's laughter You can hear the angels sing." Aster-groetnis.

En manne, as julle op 'n aand sommer so in 'n bondel lus voel vir koffie — kom kom-mandeer die asters op. Dalk is hulle aan die begin bang om af te kom, maar as hulle eers besef het dat dit net om vriendskap gaan, hou hulle dan dop! Maar meisiekinders dit help alles niks as julle nie ten minste af kom nie.

Vergeet bietjie wie-se-skuld is wat-se-skuld, hou op om te dink die teenoorgestelde geslag sien 'n wit sluier en 'n goue ring in elke vriendskap. Handel sommer spontaan, op eie inisiatief en maak gebruik van julle studentevryheid waaroor so veel boekdele geskryf word en waarvan so min in die praktyk tereg kom.

En as 'n man 'n ogie op 'n aster het, nooi haar vir koffie — dalk is dit waarvoor sy wag. Per slot van rekening — koffie drink is dié formaliteit op die Puk.



VOETE

Ek wil by jou voete lê om 'n Rut te wees vir jou soms

As jy ween by alleen Maras of worstel by 'n Jabbok wil ek agter jou loop om die pyn te gerf soos graan en uit te wan op die dorsvloer van my vrouwees:

die dorsvloer waarheen jy my gelei het toe ek die Moab van my kindwees verlaat het om vir altyd te gaan waar jy mag gaan

E.R.

Net 'n oomblik

„WANNEER die liefde jou roep, volg hom na, Al is sy weë swaar en steil. En as sy vleuels jou omvou, gee jou aan hom oor, Al mag die swaard wat tussen sy penvere verstoke is jou wond. En glo hom wanneer hy jou aanspreek.

Al mag sy stem jou drome verpletter soos die noordewind wat die tuin verwoes".

„Want net soos die liefde kroon, sal hy jou ook kruisig.

Net soos hy laat uitspruit, sal hy jou ook snoei".

Hoe waar is dit tog nie van die liefde nie: dat mens moet seerkry as jy ook wil liefhê.

„Sommige meen dat droefheid 'n vernedering van die gees is — die ombuig van ons trotse selfversekerheid na deemoed en selfverloëning. Daarom vlug mens van droefheid af weg uit vrees dat hulle persoonlikheid sal breek en vernietig."

„Maar verdriet is nooit net 'n vernietiger nie. Droefheid kan baie dinge vernietig, maar nooit karakter nie".

Nee wat, laat ons mekaar liefhê. Laat ons mekaar nodig hê.

„Ons gee te min blomme aan mekaar terwyl ons leef, te min ruikers van vriendelike woorde in moeilike tye, van opregte waardering van daaglikse steurnisse, van aanmoediging op daardie grys dae wanneer alles verkeerd loop."

Laat ons vir mekaar iets beteken. Laat jou vriend/in vir jou kan sê: „bly by my wanneer dit reën sodat my treurigheid klein kan word".

„Ek glo dat die lewe niks skuld nie, behalwe die geleentheid om goed te doen aan ander."

En onthou:

„Menslike instelling en menslike kennisoordrag kan geleerde mense maak; slegs Een, die Skepper van karakter, kan opgevoede, waardige mense maak".

Die vrou en politiek

MEVROU Martina Botha, eggenote van Minister Fanie Botha, was op 14 Maart 1973 die gas van die damesgemeenskap van ons Universiteit. Haar toespraak het gehandel oor „Die rol van die vrou in die politiek". Opnuut het ons as jong studente ons plig teenoor ons volk, ons naaste en veral teenoor onself besef.

Mevrou Botha het klem geleë op die feit dat die hedendaagse vrou, tred moet hou met die tyd, maar dat dit nood-

SLEEP

DIE kwessie van sleep is al so holrug gery, dat ons al deur gesit is daaraan.

Dis lekker, goed en mooi om te sleep, maar hoekom word dit beskou as 'n eretitel, 'n ons moet alleen gelaat word, want ons sleep mos. So baie van die sleepers kan net paarsgewys kommunikeer en nie in 'n groep spontaan gesels nie. In 'n groep vaar hulle egter beter as wanneer 'n derde bykom — dan laat hulle baie maal die ander persoon as 'n indringer voel. Onthou as jy 'n gesonde sleep verhouding het, moet 'n derde persoon met gemak daarby kan inskakel.

Wees verseker dat dit baie gesellig kan wees wanneer twee sleepers byvoorbeeld die aster se vriendin saamneem en haar in hul geselskap betrek. Ek het wel al sulke gevalle op die Puk gesien. Die man moet egter nooit vergeet om ook gelant teenoor die ander aster te wees nie.

Nou sê my hoekom moet so baie sleepers van hulle pligte verskoon word omdat hulle dan nou kwansuis moet sleep en die non-sleepers sit mos in die koshuis met niks te doen nie, daarom kan hulle maar ingespan word. Dit is snert — as jy op 'n sekere komitee dien of huiskom is dan moet jy alle verantwoordelikhede dra en sommige van jou sleeptyd offer. Glo dit as julle wil maar die mense wat saans in die koshuis sit het reeds genoeg werk om te doen.

En nog iets — as jy as aster alleen of met 'n vriendin koffie op die Bult wil gaan drink dan voel jy half verplig om nie in sleeptyd te gaan nie, want 'n mens voel half 'n gek as ander jou so half as 'n indringer bekyk.

Dis sommer net dingetjies wat die non-sleepers pla, want jy is mos net in as jy vas sleep. Maar bo alles dit bly maar lekker om te sleep.

saaklik is om jou godsdienstige, morele en maatskaplike ankers te behou. „Ons leef in 'n veranderde wêreld en alleen deur geloof in God kan jy jou volk en naaste opreg dien en sodoende jou plek as vrou in die samelewing volstaan" het sy gesê.

Mevrou Botha het haar kommer uitgespreek oor die oorlog wat veral gerig is teen die gees van die jeug, maar sy het haar vertroue in ons jeug ewestert gestel.

Sy stem dan ook saam met die digter Langenhoven wat gesê het: Die hoogste dien van die vrou is om in 'n nasionale gesindheid by die politiek verby te sien. Sy het ook bygevoeg dat nasionalisme na buite toe moet vloei nie maar dat dit van buite af die politiek vloei.

Ons ken mevrou Botha 'n veelsydige persoon. Sy is nie net 'n dinamiese redenaar maar ook 'n ware vrou en moeder. Haar opregtheid en toewydheid is vir ons 'n inspirasie.

Wapad-vergadering

AANDAG aile redaksielede Die Wapad: Donderdag 22 Maart om 1.30 nm. vind belangrike vergadering plaas. Almal moet daar wees. Hoofredakteur.



Wapad Modes

UITSPAN SE GHOLFBAAN FEESTELIK INGEWY

Mej. H. W. J. van Vuuren

UITSPAN, dié manskoshuis op die Puk, het Saterdag 16 Maart met 'n groot fees hulle nuwe golfbaan ingewy. Die baan lê oor die twee vierkante van die koshuis.

'n Beroemde argitek was verantwoordelik vir die uitleg van die baan, wat een van die gekompliseerdste bane in Suider-Afrika is. Dit is werklik 'n kuns om 'n goeie telling hier te behaal, soos wel deeglik bewys is deur die loop van die middag.

Ná 'n vlaghysing het die seremoniemeester almal baie formeel welkom geheet, veral die dames wat baie feestelik daar uitgesien het met hul formele lang rokke en July-tipe hoede. Die mans was nie minder formeel nie — hoede wat gewissel het van valhelms tot slaapmusse en dasse wat o.a. 'n skoenveter opgelewer het.

Die baan sou ingewy word deur die speel van die eerste

putjie deur veteraanspeler Simon Coetzee, en die minder ervare mnr. Ben de Lange. Verder sou twee dames ook die eerste putjie moes voltooi om die baan amptelik te open.

Die reëls van die spel is deur mnr. De Lange verduidelik. Die vernaamste was dat die speler 'n hoed moet ophê en 'n das moet dra — sê nie waar nie.

Die stokke waarmee daar op hierdie baan gespeel word, is vanuit alle hoeke van die wêreld versamel, o.a. uit Rusland en Frankryk en dan is daar ook 'n stok wat deur Jack Niclaus geskenk is. Die joggies is spesiaal opgeleide weelde-artikels, en ook hulle uniforms is volgens voorskrif ge-

maak.

In die voltooiing van die eerste putjie verbaas mnr. Ben de Lange almal as hy 'n telling van nege aanteken. Mnr. Coetzee moes met 'n nege tevrede wees. Dit gee natuurlik 'n goeie aanduiding van die veraderlikheid van die baan.

Mej. Manda Steynberg en mej. Esta le Roux het voortgegaan met die verrigtinge — mej. Steynberg met 'n egte antieke dertiger-hoed en 'n uiters selfversekerde houding, kon nie die pyp rook teen die meer ongekunstelde mej. Le Roux nie.

Ná die prysuitdeling, waar mej. Susan Raubenheimer die prys vir die besgeklede dame ontvang het, is die verrigtinge

afgesluit met 'n glasie lemoen- of cola-likeur.

Ten slotte kan 'n mens net noem dat die geleentheid ewig is deur die SAUK en die pers, wat beide 'n bedrywige tydjie gehad het. Ons vertrou dat Uitspan nog veel roem met hierdie baan sal behaal.



Staatsleer sentrum is baie bedrywig

DIE Sentrum vir Internasionale Politiek aan die Potchefstroomse Universiteit het vanjaar 'n groot sprong vorentoe geneem. Volgens prof. C. P. van der Walt, direkteur van die Sentrum, het die personeel byna verdubbel. Daarom kan die Sentrum vanjaar 'n baie groter program as vorige jare aanpak.

Mnr. P. W. Liebenberg is al geruime tyd met navorsing in die Sentrum besig. Hy spits hom veral toe op internasionale organisasies soos die V.V.O. Mnr. H. R. Lass, vooreen 'n onderwyser, is ook van vanjaar as navorsers by die Sentrum aangestel. Sy terrein is o.m. dié van die militêre strategie en revolusionêre oorlogvoering. Twee dames versterk die geleedere, Mej. F. S. J. Ackermann is verantwoordelik vir dokumentasie en publikasies. Mev. R. van Wyk is die administratiewe beampte.

Twee tipes byeenkomste word vir vanjaar beplan — vier byeenkomste vir plaaslike belangstellendes en die jaarlikse simposium.

reëling van byeenkomste en besprekings, beoog die Sentrum 'n stewige lys van publikasies. Die maandelikse nuusbrieff, „Die Wêreld in Oënskou" word voortgesit. Die referate wat verlede jaar by die simposium gelewer is, gaan binnekort gepubliseer word. Die tema van die referate is „Politieke geweld en revolusie". Twee monografieë oor die geskil tussen Suid-Afrika en die V.V.O. word nou vir publikasie voorberei. Een is geskryf deur adv. R. F. (Pik) Botha en die ander deur prof. W. Pfeifenberger van Münster, Duitsland.

Prof. Pfeifenberger het Suid-Afrika voorverlede jaar besoek en kon ná ses weke in

die land vlot Afrikaans praat. Sy monografie het hy ook in Afrikaans geskryf. Hy is 'n deskundige oor die V.V.O.

Die Sentrum gaan ook 'n werk van prof. T. Molnar van New York publiseer. Dié werk handel oor die probleme van Europa in die huidige internasionale bedeling. Prof. Molnar was in 1969 vir 'n geruime tyd gasdosent aan die Potchefstroomse Universiteit.

Prof. Pfeifenberger en Molnar is geesdriftige medewerkers van die Sentrum vir Internasionale Politiek. Prof. C. P. van der Walt het ook laat blyk dat die Sentrum beoog om oorsese deskundiges as gasdosente hierheen te nooi.

Rektor oor Prompu

„DIT word telkens op meer terreine duidelik dat die studente van die P.U. vir C.H.O. met die beginsel van die Universiteit groot erns maak", aldus die rektor, prof. H. J. J. Bingle.

„Waar hierdie saak by al die gebruiklike studente-aktiwiteite in 'n groot mate sodanig georden is dat alles flink verloop, wend hulle hulle nou al meer en meer tot die probleem van die intervolkse verhoudinge op die studentevlak.

„Hiermee is ons studente-energie egter nog nie uitgeput nie en so het daar 'n organisasie onder die patronaat van die Studenteraad ontstaan wat vir homself 'n vrugbare diensterrein in die plaaslike Kleurlingdorp Promosa gevind het. So het Prompu ontstaan, Promosa en P.U. saamgevoeg.

„Hierdie vereniging het 'n prysenswaardige doelstelling, nl. om aan die genoemde Kleurlinggemeenskap daardie diens te verskaf waaroor hy beskik op 'n verskeidenheid


terreine: akademies, sosiaal-maatskaplik, op sportgebied, ten opsigte van ontspanning en kultuur.

„Met voorbeeldige ywer word op elkeen van hierdie gebiede hulp aangebied o.a. deur te help in die Kleurling sekondêre skool met die onderrig van skaars vakke waarvoor daar nie onderwysers te vind is nie, 'n kursus in sportafrigting te reël, kuns-kulturele aanbiedinge.

„Waar Prompu nog aan die begin van sy werksaamhede staan en die ywer by die studente nie ontbreek nie en die middele hopelik ook gevind sal word, spreek ons die hoop uit dat hierdie organisasie 'n model daar sal stel wat navolgenswaardig sal wees in ander streke van ons land.

Dit is Somer!

Fantastiese Somer modes behoort u nie 'n fortuin te kos nie en by FANCY THAT sal dit ook nie!!



- ROKKE soos geïllustreer en nog baie meer vanaf R5,99
- LANG ROMPE vanaf R6,99
- BLOESIES, ens. vanaf R2,99

Fancy That!

DIE KLEIN WINKELTJIE
IN DIE HOEK

POTCHEFSTROOM.
TRUSTBANK -
DEURLOOP

—ST



KVV wapad

FEESJAAR VIR KORPS

'N FEESJAAR hou tog sekerlik in dat daar 'n groot feesgeleentheid sal wees. Sal dit 'n feesgeleentheid wees met 'n groot aantal passiewe feesgangers. Die antwoord is dan kort en kragtig: nee. Die rede ook net so eenvoudig nl. dat ons alreeds met hierdie feesgeleentheid begin het. Dink hier maar net aan die programsaam met P.N.B. en die kort leierskursus saam met S.A.B. Nog twee kursusse en 'n hele aantal programvergaderings word in die vooruitsig gestel. Ons wil by hierdie feesgeleentheid wat die hele jaar duur aktiewe feesgangers hê. Dit is idealisme wat gegrond is op konkrete feite. K.V.V. is immers 'n hoofliggaam wat tagtig jaar bestaan en tog nog spreek tot sy tyd, 'n tyd waarin alle waardes en norme relatief word. Die vaste komponente in ons Christelike normesisteen sowel as die veranderlike is vasgehou.

BELANGRIKE PLEK

In 'n studentegemeenskap wat gebaseer is op belangbehartiging het K.V.V. 'n belangrike plek.

Hierdie hoofliggaam behartig die lewensbeskoulike belange in ons studentelewe. Staan ons objektief in hierdie belangbehartiging? Net een antwoord kan gegee word nl. dat ons hierin subjektief betrokke is. Ons kwalifiseer hierdie lewensbeskoulike as suiwer Calvinisties. Kan ons dit doen?

Natuurlik! Is ons nie Afrikaners nie? Kom ons nie uit een van die drie Afrikaanse kerke nie? Studeer ons dan nie aan 'n Christelike universiteit nie? Ons het hier dus te doen met 'n homogene groep: Calvinisme. Saam kan ons dus werk aan die leuse van Korps: Die Waarheid sal oorwin.

Korps is 'n bataljon op mars.

Hoe gaan Korps te werk?

Aanvallend.
Militant.
Aggressief.
Verdedigend.
Apologies.
Besied.

LEWENSBEKOUING

Dit is tog die lewensbeskoulike wat die politiek, wetenskap, tegnologie, kultuur, kuns, ontspanning, ja, letterlik alles rig. Ons grootste natuurwetenskaplikes is deur hulle lewens- en wêreldbeskouings gerig. Ons noem net twee: Newton en Einstein. Politiek: Christelik-Nasionaal — het ons politieke siening nie vanuit die Afrikaner se lewensbeskouing gekom nie? So kan ons aangaan — alles word bepaal deur jou lewensbeskoulike en daarvan kan jy jou nie losmaak nie, al wil jy hoe graag.

As die lewensbeskoulike so belangrik is, kan ons anders


te werk gaan as aanvallend? Daarom is die oproep tot alle Pukke: Kom werk saam! Neem deel! Kom rus jou toe, sodat wanneer jy in die praktyk staan, jy kan aanval en nie net verdedig nie!

In elke koshuis is 'n Korps. sel waarin jy jou kan uitpraat, of is jy: 'n akademiese parasiet; verbitterd; teleurgestelde, minderwaardige papbroek, breëborsmannetjie; 'n

Christian Association wat 'n tak het op elke Engelse kampus. Ook is daar skakeling met SCM, die nie-blanke eweknie van SCA. Ons skakel met SCM ten spyte van S.A.S.O. se beleid van antidialoog. Dit gebeur alleenlik omdat ons 'n gemeenskaplike basis het, naamlik ons Christelike geloof.

VRAAG

Die vraag het reeds by my



sedelose, vervreemde Afrikaner en Christen? Wat maak jy dan op die PUK? Is jy: Christen; Afrikaner; soldaat; reguit mens sonder om te verkleiner; sensitief; 'n leier; gebalanseerde mens; beheersde mens; of 'n PUK? Dit glo ek is elke Puk, en daarom moet elke Puk 'n lid van Korps wees, want dit is sinoniem met mekaar.

Op elke gebied neem die Pukke die voortou: Op sportgebied, kultuur- en akademiese gebied. Ook op die vlak van studente-politiek en op die lewensbeskoulike terrein. Korps skakel met die Student

opgekom: Waarom stig ons nie soortgelyke Calvinistiese verenigings op ander Afrikaanse kampusse nie? Het dit nie tyd geword om uit ons koutjie te klim en die doelstellings van ons universiteit en ons studentegemeenskap wyd en syd te verkondig nie?

Sal die laaste stryd op aarde wees tussen politieke partye of verskillende volke? Of sal dit wees tussen Christene en anti-Christene?

Hierop antwoord ons onomwonde: Veritas Vincent — DIE WAARHEID SAL OORWIN.

23 ONDERLIGGAME

IN sy tweede jaar van desentralisasie, het die Korps Veritas Vincet vanjaar afgeskop met 23 spelers in die span. Die Korps het naamlik 23 onderliggame, wat gaan poog om die 80e bestaansjaar 'n sukses te maak.

In 17 koshuise is daar koshuisselle, wat elk vanjaar vier selvergaderings vir koshuisinwoners wil aanbied oor aktuele onderwerpe. Binnekort sal daar 'n sel in Wag'n-Bietjie en Skuur-Suid gestig word. Hierbenewens is daar nog ses gepatroneerde komitees van die Korps-Hoofbestuur, waaronder die Studiekring en Studiestukredaksie. Die Korps se Studiekring

help vanjaar met die uitvoering van 'n ASPU-projek (Afrikaanse Studente Persunie). Studentekoerante van al die kampusse word bestuur en bespreek. Kommentaar word dan gepubliseer in „Kampus-Fokus”. „Kampus-Fokus” het al in 1973 verskyn en is aan studente-leiers op die kampus beskikbaar gestel.

Die Publikasiekomitee het tans 'n nuwe boek in die druk wat handel oor studente- en jongmensprobleme van die 70's. Vorige boeke wat al van die Korps verskyn het, is: „In die dae van jou jonkheid”, „Dink aan jou Skepper” en „Republiek en Koninkryk”.

Hulpprojek in Suidwes - korps lewer diens

* Pukkies, weet jy wat is volopvreugde soos net 'n student dit alleen kan geniet? Dis om die laatnagstiltes van Suidwes met 'n groot ou vragmotor te deurkruis. Dis om rooisand te laai en vaal bakstene skeef-skeef te lê in Suidwes se somerdagbakoende. Dis om in drade vas te hardloop wat slim springhase vir jou span. Dis om te werk dat jou hande blase is. Dis om in verwondering eerbied te bring wanneer die vuurbal in die vroegskemering die hemelruim donsrooi verf. Dis om stil te glimlag wanneer die Rooi Dominee die Boesmanpaartjie se kinders doop onmiddellik na hy hulle getrou het.

* Dis 'n lewenservaring wat geeneen van die 40 hulpprojektoerlede na Drimiopsis in Suidwes ooit sal vergeet nie. Korps het die eerste drie weke van die afgelope vakansie die tweede fase van sy hulpprojek in Suidwes voltooi. Dit behels die bou van 'n groot skoolkoshuis vir Boesmans by die plaasskool, Hippos.

* Daar is vir twee dae dag en nag met 'n skoolbus gery na

tussen die sweet en stof deur nie. En wanneer die koel water van die primitiewe damswembad jou laaf aan die einde van 'n harde dag, is

distrik, onder die Boesmans. Wat 'n belewenis is dit nie om saam met Boesmans, Damaras, Hereroes ens. gemeenskap van die



FOTO BO: Korps-lede besig om ruite in te sit in die gebou wat hulle in Suidwes opgerig het.

dit niks minder as feestelike nie!

PROGRAM

* Bedags is daar van vroeg af gewerk dat dit klap. Selfs die dames het 'n graaf en

heiliges te beoefen en te sien hoe hulle nagmaal gebruik nie!

* Om 'n konsert aan mekaar te slaan is vir 'n student seker nie moeilik nie, maar om te hoor dat jy professioneel gelyk het op die verhoog van 'n klein dorpie, terwyl jy maar net student was, is voorwaar 'n kompliment. Die silwer-(noot-)kollekte het 'n stywe stoot aan die fondse gegee.

* As mens oor 'n hulpprojek van Korps moet praat kan daar sekerlik jong verhandelings opgestel word oor al die vreugde en geestelike rypwording. Vra maar aan enige toerlid wat so 'n studentesaamwees beteken. In die besonder groei die bewustheid snel:

Wat 'n vreugde om my roeping te vervul.

Wat 'n vreugde om bouwer te wees in Gods Koninkryk.

* En jy, Pukkies, kom geniet saam met Korps. Kom deel in volopvreugde. Ons gaan weer in Junie-maand.

Studentekorps, wees eensgesind, laat waarheidsband ons samebind...

Wees welgemoed vir grote werk, Geloof en hoop maak altyd sterk,

Et Veritas Vincent!



FOTO BO: Hulpprojeklede in gesellige luim.

die bestemming. Oral in die hoogoggend en laatnag het die dorpe gebewe van musiek en sang.

* 'n Mens werk hard as jy geen kennis van bouwerk het nie, en daar is net 10 dae om te leer en om klaar te maak wat jy wil!! Niks is egter só aangenaam as om jouself en jou medestudent te leer ken en verstaan so

troffel op 'n manier hanteer wat menige man skaam sou maak. Ambag is nie die woord nie! Byna elke aand het die gasvryheid van Suidwes se mense ons verstom. Een braaivleis en onthaal na die ander!

* Daar is terselfdertyd vrugbare sendingwerk om die beurt gedoen deur die meisies op verskeie plase in die

KORPS KUIER-KUIER

ENGELS het nie 'n woord vir „kuiers” nie. „Visit?” Nee, dis 'n formele ou besoek. Kuiers is somer net lekker gesels, koppies koffie uitdrink, 'n paar keer pyp stop, lekker uit die maag lag en miskien nog 'n sak sout met iemand begin opeet.

Vanjaar het die Korps begin met kuieraande. Op Saterdag-aande, as die koshuise so leeg en verlate is, staan daar 'n huis in die dorp oop vir die

Pukke wat wil kom kuier. Die doel is om somer net lekker te gesels. G'n hoge onderwerp word bespreek nie, maar daar word so van agt uur se kant tot so elfuur koffie gemaak en gesels.

Die reëls vir die spel? Eerstens is dit om al die Akademie by die koshuis te laat. Universiteit en Akademie is taboe op die kuieraande — ons wil mekaar beter leer ken. Verder word daar nie heel

aand grappe vertel nie. Die rede is nie om 'n suur geselskap te skep nie, maar omdat 'n grapvertellery dikwels veroorsaak dat die mans die kant en die dames daai kant gaan sit. Dus: G'n segregasie nie.

En die laaste reël vir die spel: Elkeen bring sy eie „Gorrelgoedjies” en beker saam.

Die Korps het al sy eerste

* Vervolg op bladsy 8

Kom ons praat 'n slag reguit

ONS LEWE in die twintigste eeu van betogings, omverwerping van bestaande ordes, terrorisme, ensovoorts. Die lewe gaan met rasse skrede „voort”. Niemand wil graag agter bly nie. Vakbonde, organisasies, druk-groepe, ensovoorts ontstaan om hulle wil af te dwing of om individue kans te gee om hulle saak te stel.

Dit alles word gedoen om tot die mens se „voordeel” te strek. Al hierdie dinge gebeur om ons in die wêreld, hier in Suid-Afrika — dit word ook hier op ons eie kampus bespreek en selfs georganiseer en tog bly almal ongelukkig. Dit kla en kritiseer en breek af — nooit word 'n positiewe woord gehoor nie. As iets positief blyk te ontstaan, word dit veroordeel met „ek hoop dit word uitgevoer” of „gaan voort, maar ek twyfel”.

MASSAVERGADERING

Kom ons hou 'n bietjie retrospeksie. Verlede week het ons 'n massavergadering gehad. Van die ± 4 000 studente op die kampus was daar 200 teenwoordig. Waar was al die klaers wat van dag tot dag die PUK kritiseer? Die hele Studenteraad was veronderstel om teenwoordig te wees, hoekom is hulle nie tot verantwoording geroep nie! Ek dink aan ons vriend Reflektor wat die Studenteraad beskuldig dat hulle reeds so kort na die verkiesing vergeet het hulle verteenwoordig 'n studentemassa. Reflektor dit is maklik om 'n pen op te neem en te kritiseer veral as jy 'n rubriek in die Wapad hanteer onder 'n skuilnaam. Ek vertrou jy sal op die volgende massa-vergadering persoonlik opstaan en jou saak stel.

Die „tradisionele” teekan orators bespreek ek nie eens nie. Julle kan ook maar die selfde doen, of beter — 'n wenk aan julle, die Studenteraad word uit die massa gekies, met ander woorde hulle lewe tussen julle. Hoekom hulle nie na die teekan uitnoodi (ek erken sommige sal dit wel wil vermy) en hulle daár tot verantwoording roep nie. Hulle was bereid om te staan — hulle moet dus ook bereid wees om hul saak te stel — of te val! Dit is maklik om na die Studenteraadsvoorsitter te verwys en hom te laat antwoord. Hy is myns insiens, nie direk verantwoordelik vir A.O.B. of P.N.B., waar hulle fouteer nie. Julle het hulle mos gekies en as hulle nie bevredigend kan antwoord nie gaan dan na die Voorsitter — hy het mos nie die Studenteraad gekoöpteer nie, julle het hulle gekies. Ons evalueer dan somer die manne wat daar sit.

DAMESKOMITEE

Van manne gepraat, waar is die dames wat op die Studenteraad moet wees. Aan al dié wat revolutionêre gedagtes het — neem hier 'n voorbeeld! Die Dameskomitee is gestig om hulle kragte saam te snoer en te poog om weer 'n dame op die Studenteraad te kry. Dames as julle erns het, hou hierdie dameskomitee op hulle tone! Dit lyk of van die dames wakker geskrik het, maar wat van so baie ander mans en dames. Hulle sluimer nog heerlik in 'n droomwêreld van hulle eie. Het die besef al

ooit tot julle deurgedring dat julle PUKKE is, of geniet julle dit om passief te wees, te kla oor alles en net op mekaar en ander se senuwees te werk.

As lid van die Studenteraad wat so gekritiseer word, was ek bereid om hand in eie boesem te steek soos in die eerste deel van hierdie skrywe maar nou wil ek bietjie na die massa kyk.

ONTLEDING

Persentasiegewys wil ek dan graag 'n aantying maak teen die voltydse student — 10% van die PUKKE neem nooit, of by enkele uitsondering aan 'n gesentraliseerde aksie deel, — 65% is net tydens Karnaval en Intervarsity deel van die kampus — 20% neem aktief deel aan aksies en 5% is oorgeorganiseerd.

Ek wil net duidelik stel dat hierdie 'n spekulasie is en nie in waterdigte komponente in



Kobus van der Walt, U.O.D.
(Foto: Fotokuns.)

Studente-mening

gedeel kan word nie — tog twyfel ek of dit verkeerd is. Oorvlueling is by so 'n spekulatiewe benadering ook logies aanwesig.

Omskrywend sal ek soos volg stel: die 10% groep is studente wat of volslae akademiese wrakke is of wat geen erg het aan studentelewe nie, elke naweek weggaan en net op die kampus klasdra. Die 65% groep sien ek al amper as 'n gemiddelde student. Hulle aktiewe deelname aan Karnaval en Intervarsity toon hulle oorspronklikheid wat tot uiting wil kom maar die res van die jaar onderdruk hulle dit deur passiwiteit wat al 'n kenmerk geword het van die „moderne” mens. Hieronder sluit ek diegene in wat aan 'n enkele akademiese vereniging behoort of aan 'n spesifieke sportsoort deelneem.

Die 20% groep is ware studente wat hulle self nie slegs akademies wil vorm nie maar besef die breë spektrum van studentelewe en -deelname is tot hul eie voordeel en dus 'n gebalanseerde en verspreide belangstelling het.

Die 5% groep is 'n groep studente wat nie net soos die vorige groep verspreid deelneem nie maar in die leiersposisie is en leiding moet gee. Hulle is bereid om te werk dus word daar maar net altyd opgelaai.

Benewens hierdie evaluasie wil ek graag 'n enkele fase van die kampus en koshuiselewe aanraak.

ORIENTERING

Oriëntasie — Die Studenteraad en Huiskomitees werk onderskeidelik hard aan hulle programme en die deurvoering daarvan. Om eerstejaars suksesvol in te skakel het hulle egter die steun van die massa nodig. Wat kry hulle egter. Seniors wat nie weet wat beteken die begrip „positiewe inskakeling” nie, wil net maak en breek, soms slegs om hulle eie onvermoë en minderwaardigheid te onderdruk. Persoonlik glo ek aan 'n goeie oriëntering en inskakeling en as eerstejaars gedurende die jaar hande-uitruk moet daar tugkomitees van HK's en huisvaders wees wat optree maar die algemene senior moet deur voorbeeld trek en nie net kritiseer nie.

Alle mense het gebreke — ook die leiers op die kampus. Positiewe kritiek is welkom en nodig maar het u al alternatiewe of oorspronklike gedagtes gesuggereer. Dankie aan Reflektor in verband met die skaatsery, maar onthou altyd — wat in die teorie mooi en maklik klink het al in die praktyk op chaos uitgeloop. Hoe gaan Over de Voor se ontspanningsaal se vloer lyk! Ons werk egter aan 'n alternatief.

Aan die adres van mans wat hulle aande verwyf deur kaart-speel, hotelbesoek, klaagliedere oor wat om te doen en dames wat hulle „verknies” in die koshuise, maak oop julle oë, kyk wat word geadverteer op die plakke wat julle so maklik afskeur, neem deel daaraan en dink progressief dan sal 'n nuwe wêreld vir julle oopgaan.

GROET

'n Laaste gedagte! Dit is mode om gesofistikeerd te wees. Moet egter nie so raak dat julle te verhewe voel om student te wees nie. Ons is en bly 'n studentegemeenskap wat mekaar gerus kan groot en in die oë kyk — of steek jy iets weg wat jy bang is ander kan raaksien. As jy, juffrou bang is 'n man sal dink jy soek toenadering as jy groet, is dit jy wat eensydige gedagtes koester. Dieselfde geld vir mans. Wees dus asseblief vriendelik, groet mekaar en laat ons almal saam bou aan ons eie studentegemeenskap.

Die Wapad word gedruk deur die Potchefstroom Herald (Edms.) Beperk, Olënlaan 11, Potchefstroom.



FOTO BO: So tussen die kuns en kultuur deur is daar ook nog tyd vir vrolik wees by Kuesta. (Foto: Fotokuns.)

KUNSFEEES OP KOVSIE-KAMPUS

KUESTA '74 word vanjaar op die Kovsie-kampus aangebied van 8—11 April 1974. „Kuesta” is 'n kombinasie van die woorde „kuns” en „fiesta”.

Dit beteken dus dat die geleentheid deur die A.S.B. geskep is vir Afrikaanse studente oor die hele land om hul in sekere kursusse te bekwaam en terselfdertyd ook F.E.E.S. te vier.

Dus bestaan Kuesta '74 uit 2 dele nl.

- 1) Praktiese kursusse;
- 2) Sosiaal.

Die volgende kursusse word aangebied afhangende van die belangstelling:

- a) Skryfwerk en sweis
- b) Verkoopstechniek
- c) Pistoolskiet en wapenkunde: vir mans en dames
- d) Valskermspring
- e) Orkestrasie
- f) Vir die kampusjuffrou:
 - i) Houding
 - ii) Hangkasbeplanning
 - iii) Bykomstighede
- g) Bak en brou vir huis en skou:

- i) Blommerangskikking
- ii) Spysenering

- h) Publikasies en joernalistiek

- i) Regskursus (veral vir Nie-Regstudente)

- j) Afrigting- en skeidsregterskursus

- Golf, skerm, rugby, vlugbal, seiljag, sagtebal, basketbal, netbal, hokkie, skyfskiet

- k) Openbare redevoering

- l) Motorherstelkunde:

- i) Gevorderd vir mans
- ii) Elementêr vir dames

Nou vir die sosiale deel: Die tema is hoofsaaklik sosiale verkeer en die variasies hierop wissel van 'n informele dinee tot informele sokkiejolle. Die jaarlikse rugbykrugmeting tussen Noord en Suid gaan ook plaasvind. Hiervoor is daar onderskeidelik twee mansspan-

ne en twee damespanne.

Die koste verbonde aan Kuesta '74 is R13 per persoon (vervoer heen en terug uitgesluit). Dit kos Kovsies ongeveer R26 per Kuesta-ganger om 'n kursus aan te bied, en u betaal slegs die helfte van die bedrag!!

Verder sal daar Kuesta '74 T-hempies te koop wees teen R2,50 stuk.

U kontakpersoon op die kampus is Fanie Mulder en hy sal elke dag vanaf 1—1.30 nm. by die S.R. Kantoor beskikbaar wees vir inskrywings en navrae. Die geld moet tydens inskrywing aan hom betaal word.

Volgens verhouding van die verskillende kampusse is bepaal dat 90 Pukke kan gaan! Skryf dus gou in en voorkom teleurstelling.

Eerstejaars debatteer

DIE eerstejaars van die Puk kry Maandagaand, 25 Maart 'n geleentheid om hul redenaarsvermoë op die proef te stel.

Die tema van die eerstejaarsdebat is „Dien die Publikasieraad in sy doel?” Die A.B.K.K.-hoofbestuur het op hierdie tema besluit aangesien die Publikasieraad weer hewig onder skoot is na die verbanning van André P. Brink se Kennis van die Aand.

Dit word van elke eerstejaars verwag om Maandagaand in die Totius-saal te wees en sy of haar mening te lig. Dit is 'n aand wat uitsluitlik aan die eerstejaars sal behoort. Slegs vyf seniors sal die debat bywoon, nl. mnr. Riaan Odendaal wat sal optree as voorsitter, mnr. Tjep van Schaik as sekretaris en nog drie waarnemers.

A.B.K.K. doen deur middel van hierdie berig 'n beroep op alle huiskomitees om toe te sien dat alle eerstejaars om 7.30 nm. in die Totius-saal sal wees.

Tydens die debat sal vier eerstejaars optree as inleidende sprekers. 'n Man en 'n dame sal onderskeidelik vir en teen die tema praat. Om beïnvloeding te vermy sal die name van die persone nie nou reeds bekend gemaak word nie.

PROMPTU



Basie van Wyk wys hoe die Kleurling-laerskoolkinders bewegingspring uitgevoer moet word, onderwyl 'n groep langstellend toekyk. (Foto: Potch Herald.)



MASSAVERGADERING

Woensdagaand 13 Maart is die eerste Massavergadering van 1974 gehou. As 'n mens die vergadering in sy geheel neem was dit uiters geslaagd. Die bywoning was swak. 'n Handjievol Pukke moes besluit oor een van die belangrikste agendapunte wat daar gedurende 'n termyn ter tafel kom, nl. die jaarprogram van die Studenteraad. Hoe is dit moontlik dat die Pukke reg in die begin van die jaar reeds hul passiwiteit bewys. Geen klagtes teen enige beplande aksie van die Studenteraad kan nou gegrond wees nie. Die rede is eenvoudig u was nie teenwoordig by die massavergadering nie.

Dit word weer eens onder u aandag gebring dat 'n vaste agendapunt kampusgeriewe is. Hier het u die geleentheid om die besprekingspunte wat so veel aandag om die teekan geniet openbaar te maak en sodoende dalk 'n einde aan u griewe te kry. Dit is die regte kanaal om te volg. Ons het immers al die vrugte gepluk hiervan — die dames se langbroekpakke. Pukke dit is 'n uitstekende geleentheid om te sê hoe u voel oor sake wat krap.

Ondersteun die massavergaderings en wees 'n meer tevrede Puk.

PLAKKATE

Vandalisme begin weer oplewe op die Puk. Vandalisme wat skadelik is vir een en elke Puk. Die vorm wat hierdie vandalisme aanneem, is die beskadiging of selfs die verwydering van plakkaat. Plakkaat word opgesit met die doel om 'n funksie te reklameer en nie met die doel om afgeskeur te word nie; ook nie om in die kamer te pryk nie. Onthou net dit asseblief — voordat u 'n plakkaat beskadig, dink. Dink wat kan die gevolge van 'n dwase daad wees. Daar is net een gevolg; die gevolg van u selfsugtigheid, dat u iemand weerhou van 'n funksie waarby hy of sy belang het.

Ná afloop van die aksie kan u met plesier die plakkaat neem om u kamer te versier.

FANIE DU TOIT

Die amptelike opening van die Fanie du Toit-sportterrein vind vandag en môre plaas. Die Sportinstituut kan geluk gewens word met die pragtige sportkompleks wat met reg die trots van die Puk is.

'n Verdere pluimpie aan mnr. Piet Malan en al die organiseerders van die opening is die fantastiese program wat hulle vir Saterdag gereël het.

Dit is nou elke Puk se plig om van die dag 'n groot sukses te maak. Die deelnemers sal beslis hul bydrae lewer, maar die nie-deelnemers moet beslis hul deel bydra deur teenwoordig te wees.

Sien u Saterdag by die Fanie du Toit-sportterrein.

WAPAD-REDAKSIE

- Hoofredakteur: Tjep van Schaik.
Assistent-hoofredakteur: Piet Ebersöhn.
Nuusredakteur: J. H. Habig (Thaba Jah).
Assistent: Jan van Niekerk (Dorp).
Redaktrise Sosiaal: Willemien Jerling (Klawerhof).
Assistent: Salome Jacobs (Dorp).
Redakteur Koshuise: Cobus Erasmus (Skuur).
Assistent: Dalene Delport (Vergeet-my-nie).
Redakteur Akademies: Johan Pretorius (Skuur).
Assistent: Esme Wessels (Karlien).
Redaktrise Kunsblad: Belia Booyens (Dorp).
Redakteur Sport: Izak Malherbe (Liberalia).
Assistente: P. J. Meyer (Uitspan); A. F. Vosloo (Skuur).
Redaktrise Damesblad: Salome Brits (Oosterhof).
Redakteur Inter-Universitêr: Danie de Kock (Dorp).
Redakteur: P.N.B.: Quintus Pelser (Over de Voor).
Redaktrise Korps: Ineke Lindhout (Klawerhof).
Redakteur A.B.K.K.: George Lotter (Dorp).
Redakteur S.A.B.:
Fotoredakteur: J. F. D. Croeser (Uitspan).
Assistent: Sam Basch (Liberalia).
Sub-Redakteur: Attie Gerber (Liberalia).
Sekretaresse: Cecilia Louw (Wanda).
Sirkulasiebestuurder: Izak van der Linde (Over de Voor).



Gaan die Skaakklub dood loop? Hou die plakkaat dop en kom speel skaak.

Uit die Matie

MOTORS: Dit lyk vir my die Maties het ook maar hulle vervoerprobleme. Hulle is ook in 'n stryd gewikkel vir die behoud van die motor op die kampus. Pukke ons staan darem nie heeltemal alleen in ons stryd nie.

Weeklikse Matie: Die Matie verskyn op die oomblik twee weekliks maar daar is blykbaar heelwat woelinge onder die studente vir 'n weeklikse Matie. (Soos die Wapad van de Pukke.) Hulle Studente-raad is egter nie so ingenome met die idee nie en ondervind die publikasiekomitee van die Matie 'n bietjie probleme.

Van die Puk se kant wens ons die redaksie van die Matie sterkte toe en hoop ons om nog 'n weeklikse Matie te sien.

Dit wil voorkom of die Wapad 'n leidende rol onder die Studentekoerante speel.

Karnaval: Die Maties se Karnaval vir 1974 is al reeds iets van die verlede en ons wonder of hulle toe werklik die vorige jaar se rekord bedrag van R30 000 oortref het. Ons hoop so en ons wens hulle nou sterkte toe met die Akademie. ('n Mens begin mos eers net na die karnaval met die Akademie.) Dit laat my dink aan ons eie Karnaval en Pukke ons moet en gaan dit 'n reuse sukses maak.

Uit NUX

DIT is teleurstellend om te sien dat 'n studentekoerant so min oorspronklikheid en waarde bevat. Die hele voorblad word beslaan deur 'n niksseggende foto en die agterblad 'n aantal foto's van studente-gebeurtenisse (nie veel om na te kyk nie en beslis nie iets om te adverteer nie.) Die twee binne bladsye sê ook nie veel nie.

Voorwaar 'n koerant waarop 'n mens trots behoort te wees nie.

Pukke: skryf asseblief maar skryf reg!

ALLE briewe moet aan die redakteur gestuur word en moet ook die naam en adres van die brieffskrywer bevat. Geen brief kan geplaas word wat hierdie inligting nie bevat nie. Indien 'n skrywer van 'n skuilnaam gebruik maak moet dié nog steeds sy naam en adres byvoeg. Persone wat reeds briewe aan die redakteur gestuur het wat bogenoemde inligting nie bevat het nie, moet die briewe weer oorskryf voordat dit geplaas kan word. Dit is in u eie belang dat u in hierdie verband u samewerking gee.

KOOP 'n LOOP-HAPPIE HONGER? Probeer ons Vetkoek.

MAALVLEIS 25c.
KERRIE 25c.
KAAS en KONFYT 25c.

DIE KINGS HOTEL

KONDIG MET GENOEE AAN DAT HULLE NOU ONDER NUWE BESTUUR IS.



ONS BIED:

- Copper Rail Restaurant en Dameskroeg
- Studentekroeg
- A la Carte Restaurant
- Musiek deur die 'Quick-sands' van Johannesburg

ONS IS TEN VOLLE GELISENSIEER

—ST

Wit die Woord

Hand. 1 : 8: „En julle sal krag ontvang wanneer die Heilige Gees oor julle kom en julle sal My getuies wees... tot aan die eindes van die aarde.”

Hierdie woorde is die laaste woorde van Jesus Christus aan sy kerk voordat hy na die hemel opvaar. Hiermee word daar gesê dat elke gelowige kind van God die besondere roeping het om 'n getuie te wees vir sy Koning, Jesus Christus.

Saam met die roeping kom ook die troos dat die gelowige nie op sy eie krag hoef staat te maak om getuie vir Christus te wees nie. Die krag om te getuig ontvang die kind van God van die Heilige Gees. Dit is die Heilige Gees wat in die mens se hart werk en hom aandryf sodat Jesus Christus in sy lewe hoofsaak word.

Die kind van God mag hom dus nooit skaam vir sy geloof of vir sy God nie. Hy mag nie bang wees om voor almal sy geloof uit te leef of uit te dra nie. Hieroor sê Christus self: „Elkeen wat My sal bely voor die mense, hom sal Ek ook bely voor my Vader wat in die hemele is. Maar elkeen wat My verloën voor die mense, hom sal ek ook verloën voor my Vader wat in die hemele is”.

deur my lens
reflektor

DIE Puk-massa. Dit bestaan nie meer nie. Kom ek noem julle die Puk-individue, onbetrokkenes. Ja een en almal van julle sondig hier. Ek kan met vermoedigheid die stelling maak dat julle net akademiese deel is van die Alma Mater.

Julle teem heeldag oor die sosiale-komkommertyd wat hier te vinde is. Hier is dan kwansuis niks om te doen nie. Hier is baie om te doen.

Studentwees beteken nie om 'n „jol“ in Heide se sitkamer te hou nie. Studentwees is om jou jeug op 'n gesonde manier te geniet. Studentepret, studentegees.

Waar vind mens dit? Moet ek dit vir julle voer soos alles al vir julle gevoer is vanaf jul lui-stadium en soos alles nou nog vir julle gevoer moet word?

Daar langs die sportveld, daar is een geleentheid. Laat staan jou inhibisies by die koshuis, skreeu vir jou span, juig as hulle wen, wees jouself. Jy snob, as jy met jou pak wil voetbal toe kom om langs jou neus af te loer na die wat nog kan mens wees.

Gaan liewer na jou kamer en dink na oor wat jy is. Niks, sal jy gou genoeg agterkom, niks... behalwe 'n leë dop met 'n lus binne-in vasgekeer, 'n lus om te lewe, om natuurlik te wees. Ek sien dit oral om my. Die styfheid van die boordjie af, afwaarts. Ek lag maar net in my mou oor al die aangeplakte waardigheid wat julle ju toeën.

Inhibisies, wat is dit? Dit,

Reflektor.

TEEKANPRAATJIES

ONS het vandeeweek weer 'n draai by verskeie teekanne gemaak, heerlike tee gedrink en baie griewe gehoor. Die massavergadering was voorwaar oral onder bespreking.

Die ekonome, en daar was baie, was nie eens van die vergadering bewus nie. Die Ekonomiese Vereniging het baie studente (240) na hulle geselligheid getrek wat ook op Woensdagaand die 13e gehou was. Mens kon hoor dat hulle beslis hulle bedenkinge oor die Pukke se organisasievermoë het. Hoe is dit dan moontlik dat so 'n oorvleueling kan deurkruip!

As dit nie was dat die eerstejaars gedurig opgekommende was om die vergadering by te woon nie, sou weinig seniors ook nie daarvan bewus gewees het nie. Was die Reklamekomitee dan so oorlaai met werk of het hulle dalk gaan kyk hoe die Oranjerivier afkom? Almal wat om die teekanne 'n woordjie te sê gehad het, was dit eens dat die Reklame van die PUK skielik (of was dit met die koms van 1974) 'n groot knou gekry het.

Uit Dorp verneem ons dat die Totiusaal te ver is om heen te loop en te naby is om heen te ry. Die kóngangers

Pukke is 'n draer van hartaanvalle. Ek mag nie dit doen nie, ek mag nie dat doen nie, want wat sal my mede-studente dan dink. Troos jouself daaraan, hulle het lankal opgehou dink. Daar word deesdae vir die jeug gedink en dit is nie net die niemand se skuld nie. Alles moet ook vir julle gedoen word en die ergste is dat julle dan nog geleë moet word om net mee te doen.

Ek verag julle vir julle slap houding, vir julle onbetrokkenheid. Julle is soos 'n klomp geprogrammeerde rekenaars wat slegs tussen julle kamers en die klas beweeg om verder geprogrammeer te word, sodat julle eendag net 'n bestaan sal kan voer in die onpersoonlike samelewing waar julle gaan lewe.

Die Puk-massa het opgehou lewe, julle bestaan slegs as 'n klomp pseudo-studente.

Soek dus die gebrek aan dinge om te doen in jou eie inhibisievolle, arm, lamsakkige self.

Ek ys as ek dink wat met „Intervarsity“ gaan gebeur as ons 'n klomp lewensbang jongmense moet hê om die Theos aan te moedig, te juig as die tweedes weer die Irawas in die grond in speel.

Kom julle eerstejaars, wees student in sy volheid. Kom tweedejaars, julle is nie studente as gevolg van die nuwe Puk-baadjes wat julle dra nie. Kom seniors, julle weet mos hoe, wys my!

Massavergadering

'N „TIPIESE PUK-BYWONING“, het die massavergadering op 13 Maart 1974 gekenmerk. Tog het die groepie wat teenwoordig was die nodige kleur verskaf sodat die vergadering as geslaagd beskou kan word.

Geen klagte is oor die afgelepe oriëntering geopper nie, behalwe dat eerstejaars nou 'n nuwe gier op ons kampus laat posvat deur niemand te groet nie. Dit was ook opvallend dat die eerstejaars swak verteenwoordig was.

Mnr. Piet Malan het kortliks aan die vergadering die program van die inwyding van die Fanie du Toit-sportterrein geskets en daarna het mnr. Pieter Mulder die jaarprogram van die S.A.B. voorgehou.

Promptu, die organisasie wat hulp aan die Kleurlinge verskaf by Promosa, is aan die vergadering bekend gestel, en steun word gevra van die studente se kant om hulle deel by te dra.

Enkele idees oor karnaval is ook voorgehou deur die nuwe karnavalvoorsitter, mnr. F. van Wyk. Die tema is gebaseer

op die petrolikrisis en daarom mag vlotte ook nie brandstof-aangedrewe wees nie. 'n Unieke prys word aan die manskoshuis wat die vlotboukompetisie wen, belowe.

Enkele kampusgriewe is geopper, onder andere ook die skending van plakkaat. Daar word 'n beroep gedoen op die samewerking van die studente in die verband. Die algemene gebrek aan netheid op die kampus het wye reaksie uitgelok.

Ongeteerde paaie en „sinkgate“ na die reën is 'n doring in die vlees van alle studente. Daar is 'n gevoel dat ons kampus sleg afsteek teen die van ander universiteite wat betref grasperke en tuine. Die ongebruikte boumateriaal wat rondlê rondom reeds voltooide geboue is beslis nie 'n pluimpie vir die Puk nie.

taris, nadat al die foutjies reggemaak is.

Daar word besluit dat die bode na deeglike oorweging nie voor die winter 'n salarisverhoging sal kry nie.

IN DIE RAADSAAL

ORDE
HAMER

En na 'n skriftelike verslag besluit die vergadering met 'n meerderheid van stemme dat die geel kombi in die vervolg net deur lede van die raad bestuur mag word, al brand die drukkers van die WAPAD af.

DIE twintig indoea's het toe weer 'n vergadering gehou na drie weke. En toe somer 'n lang vergadering van 4 uur die middag tot 2 uur die nag. Dit gee 'n totaal van 10 volle ure maar neem nou weg die 2 uur-lange etentyd en 20 min. hier en 'n halfuur daar en dan kom ons by 'n tyd van 7 uur uit. Die rekord bly nog steeds 11 uur 45 min. Dit is van 3 uur die middag tot 4.45 nm. die volgende oggend.

Nou wat besluit 'n mens op 'n vergadering van 7 uur lank. Dis maklik. Jy aanvaar die notule as die korrekte weergawe met dank aan die sekre-

Op Dinsdagaand se vergadering het daar 'n paar helder oomblikke na vore gekom. Die belangrikste besluit is dat daar gereserveerde akademiese toekennings sal wees wat die persone op hulle baadjies kan dra. Bv. teologie, regte, ens. Geluk aan die indoea's, die massas het twee jaar daarvoor gewag.

Die volgende besluit is dat die Wapad-redakteur die konferensie van redakteurs te Stellenbosch sal bywoon. Jammer tog dat daar nie genoeg finansiële steun is dat hy nie Kaapstad toe kan vlieg nie. Die voorreg word blykbaar gereserveer.

Die indoea's kon nog nie besluit, waar en hoe hulle die kantore sal inruim en die herbouings sal plaasvind nie. Een wil hê die saalstoele moet daar gestoor word, 'n ander een

wil dit 'n sitkamer maak. Al wat seker is, is dat die posbussies sal bly staan waar hulle is.

Die werkverskaffingskomitee word nou 'n komitee van die S.R. Dit gee heelwat meer selfstandigheid aan die komitee. Ons hoop dat die komitee meer sal uitloop op 'n „werbo“ van Tukkies.

Die S.R. wil graag 'n derde sekretaresse by die bestaande twee voeg. Dit is miskien die beste besluit wat die S.R. nog die pas-afgelepe vergadering geneem het. Die nood roep om 'n derde sekretaresse, en die hoofliggame sal dit waardeer en die Wapad-redaksie sal verheug wees.

So 'n paar gedagtes aan die indoea's. Die PUK raak 'n bietjie oorgeorganiseerd, ek bedoel soveel aksies op een aand, programvergaderings, flik, vergaderings van komitees, ens.



Die geagte S.R.-voorsitter en sy gade is hartlik onthaal deur die Bere van Uitspan tydens hulle onlangse wapen-oorhandiging.

S.R. VERGADERING

DIE PUK se Studenteraad het op Dinsdagaand 19 Maart vergader. Tydens hierdie vergadering is die Raad vereer met die verteenwoordiging van 'n aantal dameskoshuise. Die dames was: Klawerhof (Ineke Lindhout), Oosterhof (Salome Brits) en Heide (Nini Langenhofen).

Die Dameskomitee het by monde van Ineke Lindhout aangebied dat elke dameskoshuis in die toekoms 'n geleentheid sal kry om die S.R. met aandete te bedien tydens S.R.-vergaderings. Hierdie aanbod is met akklamasie deur die raadslede aanvaar.

Die S.R. het Tjep van Schaik as Puk-afgevaardigde aangewys na die konferensie van redakteurs van Studentekoerante te Stellenbosch.

Die volgende besluite is ook geneem:

Dat P.U. se filateliste-vereniging affilieer by die Federasie van Filatelisteverenigings van Suid-Afrika.

Die werkverskaffingskomitee voortaan as 'n komitee van die S.R. gereken sal word.

Dat die Puk volgens 'n A.S.B.-hoofbestuursbesluit 'n regskongres op die P.U. kampus sal aanbied wat deur S.R.V.P. en S.A.B. geïnisieer word met die konvenor as Japie Robbertse.

Die S.R. betreur die feit dat 'n bladsy uit die afgelepe Kleurbaadjie- en Handboek-eksamen vraestel vooraf deur 'n persoon onder eerstejaars versprei is. Die bedrag van R25 wat aan die wennerkoshuis gegee sou word, nou aan A.B.K.K. oorgedra sal word om in belang van die koshuis aan te wend.

Dat akademiese erkenning op Puk-kleurbaadjies gegee gaan word. (Die balkie sal onder die wapen in geweeft word.) Die volgende akademiese erkenning sal gegee word: Lettere en Wysbegeerte; Biblioteekkunde; Verpleegkunde, Beplanning; Maatskaplike Werk; Kommunikasiekunde; Musiek; Natuurwetenskap; Farmasie; Huishoudkunde; Ekonomiese Wetenskap; Regte; Geologie en Opvoedkunde.

In 'n meer ligte luim (dit was in die vroeë oggendure) het Paul Kruger die saak van landerye op die hoofgebou aangevoer. Daarna is die saak vir 'n stroper geopper. 'n Probleem wat toe ontstaan het, was of die stroper geel of rooi moes wees. Die saak geëindig.

SKRYWERSKRING KIES BESTUUR

DIE Skrywerskring van die PUK het op 13 Maart hul eerste jaarvergadering gehad en die bestuur bestaan uit die volgende lede: Gerhard van der Linde (voorsitter), Rita Diederiks, Tjaart Steyn en Martin Dempsey.

Die hoof funksie van die Skrywerskring is om, soos in die verlede die skeppende werk van lede krities te bespreek. Benewens besprekingsvergaderings sal daar, soos in die verlede, ook sprekers van buite genooi word om lede se

kennis en insig in die literatuur te skerp. Vanjaar beoog die Skrywerskring om die digter D. P. M. Botes en skrywer John Miles te nooi.

Die Skrywerskring het die afgelepe drie jaar elke jaar 'n digbundel die lig laat sien. Die beste poësie van die jaar word in die bundel LENS 74 gepubliseer. Aangesien daar slegs poësie in die bundel opgeneem word, wil die Skrywerskring hierdie jaar ook 'n literêre tydskrif uitgee.

Hierdie literêre tydskrif sal twee of drie keer per jaar verskyn waarin verdienstelike poësie, drama, prosa en beskouinge oor en rondom die literatuur geplaas sal word. Benewens eie werk sal skrywers van buite (bv. van ander universiteite) ook genooi word om in die tydskrif te publiseer.

Die Skrywerskring sal dus poog om die kreatiwiteit en kritiese sin van sy lede op literêre vlak te ontwikkel.

HUWELIKSAANSOEK NIE ELKE MEISIE SE DOEL

GEAGTE POLEMIET, — Ek het jou antwoord aan Jeremina met belangstelling gelees, en plek-plek my kop geamuseerd geskud! Ai, dat ons mans en dames mekaar darem só kan misloop! Kom ons begin voor met al jou besware:

1. „...want al wat julle dames blykbaar wil hoor is huweliksaansoeke...” Meneer, dat daar wel diésulkes onder die dames op die Puk is, ontken ek nie, maar dit klink of jy by voorbaat al almal oor dieselfde kam skeer! Ek kan jou verseker dat daar nog baie dames hier op die Puk is wat graag 'n sleep sal wil hê, wat nie al van meet af aan ernstig wil raak nie. M.a.w. daar is nog baie asters wat as jong-meisie nog haar lewe wil geniet — en verstaan my mooi: ek praat nie van rond„flertie” en die reputasie van ’n „lekker-meisie” opbou nie, maar

wel van ’n studentesleep in die mooi sin van die woord. Die verantwoordelikhede van ’n huwelik kan nog maar bietjie wag, ons geniet ons jong dae nog, maar wil dit graag op só ’n manier doen, dat ons nie later jare maar liever ’n sluier wil trek oor hierdie tydperk van ons lewe nie.

2. Die kwessie van die huweliksaansoeke sit jy dan voort deur te sê: „...want waarom anders kom julle eintlik „swot”? Weer eens: ’n wilde veralgemening, wat byna aan ’n belediging vir die Puk-dames grens! Nee Meneer, as ek wou „man vang”, kon ek dit op baie ander plekke gedoen het — daarby geleerdes ook. Ek herhaal: daar is baie ander soorte dames op die Puk — jy moet maar net jou soektoeg weer voortsit!

3. Die „begrotingopstellery” en al die snert (met permissie

gesê) wat jy daarmee saam kwytergaaik het, wonder ek waar kom jy daaraan? Het een aster op die Puk jou al so diep geskok en jou met soveel bitterheid gevul dat jy al die regte oujongkêrelhouding gekry het van: daar is niks goeds onder hulle te vind nie?

4. Die kwessie van die seer-voetjies kry as julle flik toe stap. Verkieë jy ’n harde en geharde meisie, of eerder ’n meer vrouliker enetjie wat nog sulke goed soos blase kry van ver stap? En indien sy wel verkies om bus te ry terug koshuis toe — wat is so erg daaraan? Bowendien dink ek daar is nog baie asters wat ’n stap- pie in die skemer van slaap- tyd veel meer sal geniet as ’n rit in ’n motor, waarin sy tien teen een verstik in die rook van haar metgesel se sigaret!

5. Jy is bang om die „hit”

in die dames se skinderhoe- kies te wees? Wel, jy is dit ná die brief inderdaad — geluk- kig net onder ’n skuilnaam!

6. Jeremina verkies sekerlik nie dat haar minnaar al die rektor se blomme moet steel en vir haar gee nie! Weet jy hoeveel vreugde bring een blommetjie maar aan ’n vrou- hart? En dan sal sy nie eers omgee waar hy dit gekry het nie en niemand sal jou tronk toe stuur as jy een blommetjie wat buite ’n heining groei vir ’n goeie doel wegneem nie. Of is jy dalk bang vir die hond?

Ek wil afsluit deur te her- haal: ek dink jou steekproef waarvolgens jy jou bevindinge afgelei het, was nie goed ver- teenwoordig nie. Ek hoop jy ontmoet gou iemand wat jou die ander sy van die saak sal leer! Sterkte!

Meraal.

Laat Afrikaans Afrikaans bly

Meneer die redakteur, Ons studeer aan ’n Univer- siteit waar Afrikaner-tradisies en -kultuur in ere gehou word — ’n Universiteit waar met woord en daad geveg word vir die behoud van die Afrika- nendom.

Dat Afrikaans aan hierdie Universiteit geëer en bewaar word, blyk ’n logiese afleiding te wees. Geëerd is dit wel, maar bewaar ons dit? Nee, hier heers ’n toestand wat niks goeds vir die handhawing van Afrikaans inhou nie, en dan praat ek nie eens van die broutaal wat in die omgang gebesig word nie.

Dit is iets veel gevaarliker, iets wat onder die dekmantel van ons geleerdheid ons taal beklad. Ek wil dit die „on- afrikanisering” noem. Let op dat ek nie skryf van die de- afrikanisering nie — van Afri- kaans deur mense wat hulself blykbaar as te geleerd, te hoog ontwikkel vir Afrikaanse Afri- kaans beskou.

Daaglik moet ons woorde soos „valueer” en „verifieer” aanhoor. Nou vra ek u: wat

is verkeerd met „waardeer” en „bewys”. Dit is maar net twee voorbeelde. Sulke en er- ger woorde word voortdurend geuit, veral deur ons dosente- karakters en uit die monde van ons studenteleiers, maar ook deur die studentemassa. Ek kry die indruk dat hierdie persone Afrikaans nog steeds as ’n kombuistaal beskou. Of is dit maar net omdat daar- is dit maar net omdat daar- is die woorde so ’n gerieflike masker vir onkunde is?

Verlede jaar het ieder en elk Langenhovenismes aange- haal. Vergun my nou ook om u daaraan te herinner dat hierdie gevierde Afrikaner ons taal beskryf het as die enigste witmenstaal wat in Suid-Afri- ka gemaak is en nie klaar oor die see aangekom het nie.

Laat ons dus die enigheid van hierdie deel van ons kul- tuurerfenis bewaar en nie toe- laat dat verfoeilike snobisme — want ek kan bg. verskynsel as niks anders vertolk nie — dit van ons wegneem nie. Laat Afrikaans Afrikaans bly.

Kerneels.

Neurotiese gekwetter pla in Frans-du-Toit

Die Redakteur „Die Wapad” Studenteraad P.U. vir C.H.O.

Meneer, Ek wil u graag gelukwens met die „nuwe” Wapad! Wat tipogra- fie, rubrieke, nuusdekking, foto’s, sosiale beriggewing en selfs papier betref, is dit som- mer pure koerant. Hou dit daar!

Dan, ’n sakie op die hart: kan daar nie ’n beroep gedoen word op die eerstejaars en ook sekere tweedejaars wat blyk- baar daardeur die groentjies probeer beïndruk, om hul lui- drugtigheid in die gange van die Frans du Toit-gebou tydens klastye enigsins in be- dwang te hou nie? Dis byna uitsluitlik dames wat hul skul- dig maak aan hierdie swak gedrag; hul deurdringende neu- rotiese gekwetter maak dit soms byna onmoontlik vir stu- dente om te hoor wat die do- sente op die hart het.

Niemand het beswaar teen kampusgeselskap en selfs uit- gelatenheid nie, maar beperk dit asseblief tot die klasruil-

tye uit konsiderasie jeens me- destudente en dosente. Martiens Badenhorst, Dorp. Leipoldtstraat 5, Potchefstroom.

BRIEWE VAN ONS LESERS

S.A.B. Hoofbestuur luister nie slegs na verslae

Geagte Redakteur, Na aanleiding van die brief van „Wil-net-help” in „Die Wapad” (8 Maart 1974) voel ek my genoodsaak om die skrywer op ’n paar interessante gedag- tes te wys.

Uit sy brief kan die volgende afleidings myns insiens ge- maak word:

Eerstens, hy was blykbaar ’n ondervorsitter van een af an- der vereniging wat nooit na die geklank van sy eie stem kon luister nie, omdat hy nooit iets gesê het nie.

Tweedens was hy blykbaar ’n verteenwoordiger van ’n baie onaktiewe vereniging — daarom het die aktiwiteite van

ander verenigings hom ook nie geïnteresseer nie, terwyl juis dit hom dalk kon help in sy pogings.

Derdens, was hy nie dikwels op die vergaderings van die S.A.B.-hoofbestuur nie: Hy ver- staan dus ook nie wat daar bespreek is nie.

Vierdens: die skrywer het ook nie die moed van sy oor- tuiging gehad om in die volle (sy „halwe”) Bestuursvergade- ring sy hervormings, wat hy nou so manmoedig propageer, te stel nie. Hy kon gerus sy voorsitter genader het om dit vir hom te doen!

Verder kan die skrywer daar- op gewys word dat die S.A.B.-

hoofbestuur nie net daar is om verslae aan te hoor nie, maar dat daar sake bespreek word wat alle verenigings, en dus ook die breë studente- massa raak. Ek verwys die skrywer na die Grondwet van die S.A.B., want ek neem aan dat met die houding wat uit sy brief weerspieël word, hy nog nooit daarmee kennis ge- maak het nie.

U aanbevelings is beslis ’n probeerslag werd, maar ek be- veel aan dat u dit deur mid- del van u voorsitter én onder- voorsitter goedgekeur kry op die volgende „dooierige” S.A. B.-hoofbestuursvergadering.

Reyke Reynecke.

Weg met apartheid in eetsaal

DAMES- en Mansstudente, (Jammer, maar ek moet julle so aanspreek want dis mos soos ons gedwing word om mekaar te sien: Heeltemal apart, amper soos twee rasse, selfs al deel ons dieselfde klas- se, kampus en eetsale.)

Sal enige van ons Sentrale Eetsaalstudente dit GLO as iemand uitlap dat die oor- spronklike idee van ons stoute (ekskuus: stoere) voorvaders wat die eetsaal beplan het, se idee was om die studente te laat meng, om mekaar sodoen- de te leer ken oor ’n bord kos. Nee, julle maak ’n fout, ek is nie permissief nie, ek stel bloot voor dat ons voorvaders se idee uitvoer en om i.p.v. ’n skeidslyn (amper soos ’n Ys- tergordyn) in ons eetsaal te trek, te meng.

Om dit nou uit te spel (soos General Electric) om bv. 4 da- mes en 4 mans aan dieselfde ta- fel te sit en eet. Goed, soggens en smiddags is dit wel „wille- keurig” maar aangesien ons so ’n goed georganiseerde studen- telewe het, organiseer dan dat ons saam, soos doodgewone

mense, verskillende soorte aan dieselfde tafel eet. Op ander kampusse en selfs baie ge- mengde skole word dit so ge- doen en hoekom moet die Puk agter staan? Of is die dames bang dat hulle sal ophou om hulle te ooreet en die mans dat hulle tafelmaniere sal verbeter? Of vra ek weer te veel? Antjie.

KUIER-KUIER

* Vervolg van bladsy 4 kuieraand agter die blad aan huis van Ettienne en Louis Schalekamp. Hulle is onder- skeidelik ’n oud-voorsitter en oud-sekretaresse van die Korps. Soos verwag is, het die nuwigheid maar klein begin. ’n Gestadigde groei in kuier- gaste word in die vooruitsig gestel.

Hou gerus die hoofkennis- gewingbord dop — alle Pukke is welkom om saam te kom kuier. As u die aand alleen voel, of somer vir ’n inloer na die vroeëvertoning by die inryteater.

EENVORMIGE DRAG

GEAGTE Redakteur, — As ’n student van hierdie universi- teit wil ek graag die volgende versoek aan die dames rig:

Kan ons nie eenvorming- heid kry in die kleredrag wat by ons kleurbaadjies gedra moet word nie? Die kleurbaad- jie is tog ons trots, ons moet selfs ’n eksamen aflê en slaag voordat ons dit mag koop.

Nou word daar sandale en rokke met die kleur van geel, groen, blou, pienk en selfs

pers gedra. Daar is tog rompe gemaak spesiaal vir die dames. Hoe lyk dit met die rompe met wit bloese of selfs swart rom- pe. ’n Witrok sal net so mooi lyk, met natuurlik sykoue.

Ek voel baie sterk oor die saak en ek is seker dat daar baie dames is wat met my saamstem:

Eenvormigheid by ons trots — ons kleurbaadjie. Anti-bontrokke.

BEHOU SÊR-ETIKET

Meneer die redakteur, Hierdie tyd van die jaar is die tyd wanneer sêrgroepe op hul bedrywighede is. Nou blyk dit ook op die duidelikste hoe min koshuise op die Puk van sêr-etiket weet.

Iets wat my geweldig grief is die vermetelheid van som- mige inwoners van manskos- huise om hul ongenooi by ’n damesêrgroep wat by hul be- soek aflê te voeg. Het hulle daaraan gedink dat indien ons hul wou saamhê ons hul voor- af sou nooi?

Ek het dit nie teen hul teen- woordigheid as sulks nie, maar

dit is ongelukkig so dat die persone wat hulle aan boge- noemde skuldig maak, selde nugter is en die gawe besit om ’n aangename aandjie heel- temal te bederf.

Ek gee toe dat hierdie per- sone nie op daardie stadium vir hulself kan dink nie, maar waar is die betrokke huisko- mitees. Is julle bang julle ge- wildheid ly daaronder as jul- le hierdie persone betig. Dan maar liever jou koshuise se goeie naam inboet. Dit is wat gebeur, hoor!

Christine.

U het volop keuse in ons groot verskeidenheid

- HANDBOEKE
- SKRYFBEHOEFTE
- EN WAT U OOK AL VAN ’N BOEKHANDELAAR VERLANG

PRO REGE-PERS BEPERK

„Die Potchefstroomse Boekhandel”

TOMSTRAAT 86 — POTCHEFSTROOM
TEL. 5236

KUNSKOPER

GELUK aan al die sêrgroepe wat deelgeneem het. In die besonder aan Oosterhof wat die dames-afdeling gewen het.

Van die sêrgroepe na die toerliggame. Ons sien met verlange uit na Alabama en Thalia asook die Universiteits-koor se opvoerings. Van Alabama gepraat, is die tyd nie ryp dat ons 'n tweede Alabama-groep stig nie. Dit kom dus neer op 'n toergroep 1 en 'n toergroep A. Albei studeer die-

selfde program in maar toer net in verskillende rigtings. Dit bied aan soveel meer talent die geleentheid om te ontwikkel en deel te hê aan Alabama.

selfde program in maar toer net in verskillende rigtings. Dit bied aan soveel meer talent die geleentheid om te ontwikkel en deel te hê aan Alabama.

RETORIKA OP DREEF

DIE eerste vergadering van die Retoriese Vereniging in die nuwe termyn het op Maandagaand 18 Maart in kamer 107 van die Frans du Toitgebou plaasgevind. Die bestuur vir hierdie termyn is Riaan Odendaal, voorsitter; Johan Pretorius, sekretaris; Dirk Coetzee, penningmeester.

Hierdie jaar neem die vergaderings die vorm van 'n kursus aan. Die kursus is gebaseer op die bekende boek „Effektiewe Redevoering” van Dale Carnegie. Hierdie kursus dek alle aspekte. Van die volgende vergadering af sal daar afgerolde velle met die vorige week se aanbieding van die kursus uitgedeel word. Die eerste deel van die kursus het gehandel oor die grondslae van effektiewe redevoering.

Alle sprekers, hetsy hulle goed of swak praat, is welkom om hierdie vergaderings by te woon. Elkeen kry na die lesing 'n beurt om onvoorbereid oor enige onderwerp te praat. Die onderwerpe word gewoon-

lik uit 'n hoed getrek en dan kry die spreker sowat twee minute om 'n toespraak van 'n paar minute lank voor te berei. Daarna word opbouwende kritiek deur alle aanwesiges gelewer.

Die volgende vergadering is voorlopig vasgestel vir Maandag 22 April. Tydens hierdie vergadering sal die volgende aflewing van die kursus gedoen word en daarna sal die voorsitter sitting neem en sal Henning Vorster as voorsitter optree. Dit is 'n gebruik dat daar tydens elke vergadering iemand anders as voorsitter optree hoewel 'n staande bestuur alle organisatoriese reëlings tref.

Filateliste-vereniging

HET u ook al die naam Filateliste-vereniging op die kampus gehoor? Filatelie is die geleerde naam vir seëlversameling in al sy aspekte. Daar is egter niks geleerd in die aktiwiteite van die Filateliste-vereniging van die P.U. nie. Die bestuur wil beklemtoon dat hierdie vereniging vir elke seëlversamelaar is, van die beginner tot die meer gevorderde versamelaars. Om dit te bewys reël die bestuur 'n byeenkoms waar volledig gedemonstreer sal word hoe om met 'n versameling te begin.

Nou is die kans vir persone wat sê dat hierdie vereniging slegs vir gevorderde versamelaars is, om hulle anders te gewis. Hierdie vergadering sal volgens die bestuur op Maandagaand 18 Maart om 7.50 nm. plaasvind. Hou die plakkaat dop.

Vir Maandagaand 29 April word 'n filmaand beoog waar films vertoon sal word wat onder andere internasionale toekennings ontvang het.

1974 se bestuur bestaan uit Gawie van der Walt (Dorp), Nikkie Maartens (Skuur) en Annemarie Streicher (Kasteel G).

Alle navraag kan in bussie nr. 19 by die S.R.-kantoor gelaas word.

THALIA KINKEL MET BRINK-KABELS

S. Jacobsz

THALIA toer dié jaar met André P. Brink se Kinkels, al kinkelend in die kabel! Die Kaapse gammatte en hulle klopse en dinge is somer 'n jolige stukkie genot, wat mens laat skaterlag en lekkerkry.

„Kinkels in die Kabel”, is Shakespeare se „Comedy of Errors”, wat deur André P. Brink vertaal en in Afrikaans verwerk is.

Thalia toer vanjaar met hierdie stuk, dit is ware studentepret maar van hoogstaande gehalte onder die puik regie van Abri le Roux.

Volgens Theunis Eloff, die toerleier, lyk die toerplan rooskleurig en sien almal uit daarna om per trein te toer.

Die toerplan is voorlopig soos volg: 27/6 Kroonstad; 28/6 Harrismith; 29/6 Ladysmith; 1/7 Newcastle; 2/7 Vryheid; 3/7 Piet Retief; 4/7 Geen opvoering; 5/7 Nelspruit; 6/7 Baberton; 8/7 Geen opvoering; 9/7 Geen opvoering; 10/7 Tzaneen; 11/7 Pietersburg; 12/7 Potgietersrus; 16/7 Rustenburg; 17/7 Britz; 18/7 Florida;



THEUNIS ELOFF
Thalia-voorsitter



ESTER RUMPF
Een van die spelers

COLLEGIUM MUSICUM '74

DIE aktiwiteite van die Collegium Musicum vir 1974 het 'n aanvang geneem en wel met ses konserte gewy aan die musiek van die Barok, wat strek van die jaar 1600 tot ongeveer 1750.

Die eerste konsert vind plaas op Saterdag 30 Maart 1974, om 8.00 nm. in die Konservatoriumsaal. Martie Koornhof, Hennie Coetzee en Pieter de Villiers wat klavierwerke van onder andere Rameau, Sweelinck en Scarlatti en Scarlatti uitvoer, sal optree. 'n Ensemble onder leiding van Leonard Lemmer tree ook op.

Die datums van die ander konserte is: 4 Mei, 18 Mei, 9

Junie, 19 September en 5 Oktober. Seisoenkaartjies wat al hierdie meesterkonserte dek, is by die Konservatorium beskikbaar. Die seisoenkaartjies vir volwassenes is R4 en vir die studente is dit R2. Toegang per konsert is vir volwassenes R1 en vir studente 50c.

Kom Pukke, dit is 'n kans duisend, somer hier op ons kampus, om ons musieksmaak uit te brei.

Voorries koop Kombi

IN 'n onderhoud met Jan Nagtegaal, die kommandant van die Staatmakers, het hy ons meegedeel dat hulle vir hulle 'n geel Kombi gekoop het. Hulle is op die oomblik hard besig om geld in te samel om die skuld te betaal. Die eerste paaient is reeds betaal en voor die einde van die maand moet hulle die volgende bedrag van R700 betaal. 'n Kompetisie is uitgeskryf met 'n eerste prys van 'n OS (voorwaar 'n „lekker” prys as ons die hoë vleispryse in ag neem).

FLIEKRESENSIE

VOLGENS die sakboekie kry Pukke Vrydagaand 15 Maart die geleentheid om te gaan kyk na „Henry VII and his six wives”, as gevolg van A.O.B. se op-en-wakker fliëkprogram vanjaar. Hierdie produksie van Nat Cohen het Keith Michell in die hoofrol, met Donald Pleasence, Charlotte Rampling en Jane Asher as medespelers.

Henry VII is al in omtrent 'n dosyn of meer films die afgelope vyftig jaar uitgebeeld, maar hierdie film word beskou as die mees definitiewe, kragtige en menslike van almal.

Henry VII het 38 jaar lank geregeer, en sy lewe was een van botsende emosies... hy was 'n prins onder die prinse, 'n trotse Tudor koning, en 'n voorstander van geloof en godsdienste, maar terselfdertyd het hy die reformasie bloediglik beveg. Ook is daar tekens van verraad, tirannie, sedeloosheid en brassy te sien in sy geskiedenis.

Hierdie meesterstuk (vir die wat van historiese films hou) word versprei deur Kinekor, en belooft om 'n Vrydagaand se wegloop werd te wees, as die projektors of luidsprekers die intensiteit van soveel menslike konflik sal kan verdra!

AMOREUS AKTUEEL

LIEWE PUKKE,

Vannaand wil ek graag gesels oor die liewe mans op die Puk. Ek het jou mn. vannaand by Sêr gesien, saam met 'n mooi meisie, 'n dame. Nou wil ek graag aan jou mn. X 'n mooi guns vra, behandel haar soos 'n dame, laat sy altyd soos 'n mooi meisie voel. Trakteer haar nie volgens jou koshuis-gewoontes nie, maar doen aan haar as dame, weleer aan. Sy pas by jou en knap daarom jou maniere so 'n bietjie op. Leer so 'n bietjie etiket, komplimente haar gereeld oor haar smaakvolle kleredrag. Onthou, sy trek vir jou aan! Hou verder in gedagte dat sy in jou hande is en dat jy mn. X, haar gevoelens altyd hoog op prys moet stel, soos sy, so glo ek wel, met jou sal

doen.

Geniet die lewe terwyl jy jonk is, en doen dit saam hier op die Puk.

Van slepende paartjies gepraat, ons hoor dat die bootjie van Dawid Weyers en Peet Britz stormagtige water binnevaar.

Leonore van Schaik aard beslis nie na haar neef nie, want haar duurtte op die Puk is kort, en volgens Pierre Langenhoven nog korter.

Japie Robbertze van S.R. Faam gaan glo tydelik 'n tweede keer op Tukkies sleep, dit moet glo 'n tweede keer wees. Baie geluk aan Susan Kruger van Karlien met haar verlowing aan Bennie. Salomé Jacobsz sê glo die Tukkies-kampus verloor ook maar sy

aantreklikheid so na 'n rukkie, en dan toer mens maar weer terug Puk toe en wel na 'n sekere Gerhard Brown, of hoe sê ek Gerhard? Annette Human van Oosterhof sleep glo so verskriklik vas op Pretoria, maar na wat verneem word gaan 'n spreekwoord hom laat geld — „ver van jou goed, na aan jou skade”.

Quintis Pelser het die S.R.-kamp se manewales by sy sogenaamde skoonouers oorleef. George Lotter neem glo gereeld sy „Milol” saam as hy in die aand gaan sleep om te verseker dat geen muskiet tussen hom en die dame kan kom nie. Jan van Niekerk is 'n man wat glo hou van sy van en dit is dan die rede vir Marthie van Niekerk.

KOOP 'n LOOP-HAPPIE HONGER ?

Probeer ons Vetkoek.

MAALVLEIS 25c.

KERRIE 25c.

KAAS en KONFYT 25c.

U kan gerus u bande versool by...

NATYRE
BANDAG
(Edms.) Bpk.



'N VOLLEDIGE BANEDIENS ONDER EEN DAK Groot Voorraad

- ★ NUWE en VERSOOLDE bande
- Versoling nou ook verkrygbaar in die GOODYEAR G 800 loopvlak
- ★ Nuutste toestel vir WIELSPORING en -BALANSERING.

LOMBARDSTRAAT 37 — POTCHEFSTROOM
Skakel 3297 vir betroubare diens en laagste pryse. —ST

KOSHUI SKOS

Karliën

IN Karliën gaan dit soos gewoonlik voor in die koor, almal oefen net Sêr. Dorp se manne neem vanjaar saam met ons deel aan die gemengde Sêrkompetisie en ons hoop dit gaan 'n gróót sukses wees.

O ja, buiten die akademie glo ons Karliën asters ook aan buitenuurse aktiwiteite. Wedstryde teen die manskoshuise is 'n fees, dankie Skuur en Taba Jäh vir die heerlike hokkie, ons maak weer so!

Met die Puk se kampioenskap agter die rug het die asters ook weer hul plek volgestaan (sommers geluk ook aan Hester Gunter en Retha Horn vir jul puik vertonings hoor).

Saterdag is die amptelike opening van die Fanie du Toit sportgronde en ons wil al die ander dameskoshuise waarsku — pasop maar vir ons, die Karliën asters is fiks!

Die gangfeeste wat so sporadies in die koshuise plaasvind getuig van ons Eerstejaars se oorspronklikheid wat soos 'n varswindjie deur die koshuis trek, elke gangpartytjie is voorwaar iets om na uit te sien, mooi so Eerstejaars, hou so aan.

Ons hoop die manne waardeer die nagtelike sêr by hul koshuise. Baie dankie ook vir julle moeite om so gereeld vir ons te kom sêr, ons waardeer dit en julle is altyd welkom.

'n Laaste woordjie aan die asters: Een van die dae is dit vakansie, Karliën julle moet gaan uitrust en vol moed terug kom, Meimaand lê voor die deur en daarmee saam ook Karnaval, heerlike, heerlike Karnaval...

Heimat

NADAT die „stewige” beskutting van Oom Heimat ons manne weer in een hoed en gees laat saampraat het, voel ons om tog iets van ons uit die Hertogdom te laat hoor! Die bekendste stal op die werf nl. Die Hertogdom van Heimat het geen bekendstelling nodig nie — intendeel, as jy nog nie van sy beroemdheid verneem het nie, ken jy ook nog nie een sleepbankie op die Puk nie.

Met 'n paar uitsonderings is al die manne weer terug in Heimat en ook 'n paar nuwe manne wat nog deur diep waters moet gaan om 'n egte lid van die Hertogdom te kan word.

Met Kobus van der Walt en Johan Koorts aan die voorpunt van die Hertogdom sal ons weer verwoesting saai en telkens met die louere, na die oorwinning, na Oom Heimat vertrek.

Soos altyd het ons weer kampioene op die atletiekbaan: Dawie Kuhn in die 110 m hekkies en Johan van Wyk in die 3 000 m hindernis. Baie geluk met julle oorwinnings.

Lekker fees gehad met Kulu en Vergeet-my-nie. Dankie vir julle gasvrye intercoke en intertee. Ook so was die sjokoladekoek wat ons van Heide ontvang het nadat hulle en

Vergeet-my-nie noodgedwonge ons waterfees moes bybring.

Lekker sêre gehad die laaste week — Oom Heimat dank julle!

Soos oudergewoonte het die jaar met 'n goeie fees begin, en kon alle onderdrukte gevoelens van die vakansie en die frustrasie wat die akademie van 'n nuwe jaar voortbring goed afkoel!

Aan alle helftes wat hul helftes met die Hertog mag deel — baie geluk en 'n voorspoedige jaar!

Lekker gaan, totdat julle weer van die Hertogdom verneem!!

Oom Heimat groet julle!!

Soetdorings

SOETDORINGS begin hierdie jaar wer eens op 'n hoë noot. Martie en Elmarie spog met hulle Thalia-skap. Elza verteenwoordig ons by hokkie, Annetjie by korfbal en Ina by netbal. Die twee Annelies en Rika skaar hulle by die Universiteitskoor.

Die hoë noot word verder gevoer deur die sêr. Vir die lae note sorg die manne van Thaba Jäh, ons hoop dis suksesvol. Hulle kele het ons darem alreeds natgemaak met koffie by 'n intertee.

Soos reeds bekend bou ons vlot saam met Heimat, dus kan daar net een gevolg wees, 'n wenvlot!

Ons prim besef nou dat met die petroliëskrisis petrol skaars is, dus is crimpelene en katoen nou haar keuse.

Sophia is as sekretaresse van die B.S.V. genoodsaak om dit by te bring, maar niks oortref haar liefde vir Volkspole, veral as haar metgesel haar oorval met sy spoggerige motor nie.

In Soetdoringdames se kope broei daar alweer groot dinge. Hou maar die plakkaat dop vir die 27e Maart!

„Soetdorings” onthou goed begin is halfpad gewin.

Over-de-Voor

DIT is vir my aangenaam om aan te kondig dat die Leeu nog steeds met trots op die kampus beweeg, ten spyte van die feit dat daar wel oor sy bewegings getwyfel is.

Geluk aan Over-de-Voor se krieketspan wat die koshuissliga gewen het. Hulle is waardige weners van die reeks wat agter die rug is.

Blykbaar het die plaaslike ingenieurs tog daarin geslaag om die Groentjie aan die loop te kry. Tog net 'n vriendelike versoek aan die dames op die kampus. Moet nie na die uiterlike van die Austin kyk nie, maar hou gerus die grote agter die mik dop.

Taaibos lê voor en die manne is hard besig om hulle voor te berei vir die jaarlikse stryd, hierdie jaar op die Tukkie-kampus.

Ten slotte — Die koshuissrugbyliga begin reeds Saterdag en sterkte aan alle spanne wat hierdie seisoen om die beker gaan meeding.

Uitspan

DIE jaar 1974 gaan weer 'n groot jaar in Uitspan se geskiedenis wees. Ons het die jaar goed begin met veertien eerstejaars en sestien seniors.

Baie Pa's en Ma's het die „Stalle” nie juis as die aangewese plek beskou vir die voornemende akademici nie. Onder die bekware hand van die „Ou Bere” kan die klein goed gemodelleer word om eendag ook hulle plek vol te staan.

Hierdie jaar is ook vir ons 'n besondere jaar in dié opsig dat Uitspan vanjaar 26 jaar oud word. So van oud word gepraat — veels geluk aan Liberalia met hulle verjaarsdag. Ons hoop julle sal nog steeds bou op 'n mooie fondament van gees en prestasie.

Wat ons program vir 1974 betref kan ons weer uitsien na 'n vol en aangename jaar. Interaksie is die wagwoord.

Ons het reeds 'n inter-tee met Wanda gehad. Dit het baie aangenaam verloop en die motreëntjie wat gedreig het, het die gees net mooi „aangeklam”.

Die grootste funksie wat Uitspan se jare-lange tradisie kenmerk, is die jaarlikse Vlagstryking. By hierdie geleentheid kry die Pypregiment die vryheid van Uitspan en kan elke eerstejaars sê: „Nou is ek 'n Uitspanner”. Die vlag word gehys en die feestelike geleentheid word met 'n dameskoshuis gedeel. Na 'n ure-lange debat in die kous van die Regering, is besluit om die eer aan „Vergeet-my-nie” se dames toe te sê.

By hierdie geleentheid was ons ook besonder geëerd om prof. W. N. Coetzee en Pieter Mulder in ons geleedere te hê.

Prof. W. N. Coetzee wat baie jare al ons huisvader is en vanjaar sy laaste skof trek, het met ons gepraat oor die gepasheid van die naam „Uitspan”. Ons wil ook baie dankie sê vir sy mooi woorde en getroue diens deur die jare.

Prof. W.N. was tot daardie aand die enigste „ere-beer” van Uitspan. By hierdie geleentheid is Pieter Mulder ook in hierdie groep geplaas — dus slegs die 2e vrye-burger in 26 jaar. Hartlik welkom Pieter. (Onnodig om te sê, hy is dienoreenkomstig gade geslaan.)

In 'n baie aangename gees het ons die aand sing-sing afgesluit.

Nog 'n aangename aand was die inter-coke met Vergeet-my-nie. Die manne van Uitspan, Heimat en Ons Huis is vereer en ons wil dankie sê, dit was heerlik.

Nou lê vir ons voor die Sêrkompetisie, Vlot-bou, Trapkarwedren en Kanaval. Uitspan sal weer eens sy bes probeer. Uitspan-groete.

Vergeet-my-nie

SONGEEL en vrolik... dié nuwe koshuishempies van Vergeet-my-nie. En stralend die meisies wat dit dra. Sommer vroeg in die jaar het ons ons oulike koshuishempies bestel sodat ons orals uitgeken kan word. Die motief is 'n hele krans blou vergeet-my-nietjies

wat 'n pragtige gesiggie ooraam. Moenie die speelse/guitige knipoog miskyk nie, want dis vir jou, meneer die Puk-student!

Die sêr-manne en meisies oefen hard en lekker en saans laat is dit nog 'n gesellige koffie drinkery om die droë kele weer nat te maak. Ons wens almal dat die sêr-dames dwarsdeur die jaar wil oefen omdat dit so 'n heerlike atmosfeer in die koshuis skep.

Die klavier wat ons onlangs gekry het, dra ook tot die groot vrolikheid by. Mens voel sommers dadelik tuis met die intrapslag as die musikante in Vergeet-my-nie so bietjie tokkel.

Ons SR voorsitter — Pieter — het Maandagaand baie lekker by die dames gekuier. Hy het ons nader ingelig oor ASB, NUSAS, SASU en hul doen en late. Dit sitkamer was vol belangstellende dames gepak en die aand het gesellig verloop (afgehoop). Die dames het hom gestook met vrae en ons moes kort-kort skater vir kwinkslae. 'n Mooi gesigse hoef nie (glad nie) met 'n leë koppie gepaard te gaan nie en ons kan nou baie meer oor studente-aangeleenthede saam gesels.

Die grafiek van ons gewildheid op die kampus toon nog steeds stygings!! En weens „hoë koors” word heelparty manne op die gevaarlys geplaas.

Wederom!!

Gatland

MET die seniors van Gatland gaan dit hierdie jaar baie goed. Met die gatte (eerstejaars en hulle onderskeie kamermaats) het dit maar moeilik gegaan om hulle van hulle matriekkompleks te verlos.

Dit lyk of dit 'n jaar van groot gebeurtenisse gaan wees as gekyk word na die geslaagde inter-coke met Vergeet-my-nie, inter-fliëk met Kulu en verskeie intertees.

Ons kyk met groot verwagting na ons nuut ingevoerde Matie se rugbyloopbaan veral na aanleiding van sy groot debuut — gemaak in die eerstejaars-senior wedstryd.

Danksy 'n uiters neutrale skeidsregter kon die eerstejaars slegs met 4-29 verloor.

Gatland word deesdae so populêr onder die skone geslag dat ons glad elfuur Sondagmoete het om die dames (en beddegoed) buite die koshuis te hou. Hiervan sal die vyf Florna meisies op die Puk goed kan getuig.

Intussen dra Gatland sy deel by om die huidige petroliëskrisis te verlig deur met ons nuut aangekoopte gatsometer die doserende personeel se spoed voor ons koshuis drasties te verminder.

Alle eer aan ons doserende personeel wat deur ons hoofverkeersbeampte mnr. Nols Koekemoer (BSC. Verkeerskunde) voorgekeer is en saamgespeel het (met 'n spesiale veer in die hoed van prof. Van der Vyver). Mnr. Nols Koekemoer is 'n unleke verkeershoof. Hy onderskei hom van enige ander verkeersbeampte in die sin dat hy wel St. 6 geslaag het.

Wag-'n-Bietjie

... SAL ons mos weer met iets ander kom, en dit in die vorm van ons koshuishempies. Met niks meer as die naam nie — dié hempies van ons, want niks meer as die naam het ons nodig nie, of hoe?

Inter-sport, inter-ete, inter-fliëk — of so gesê; lekker, lekkerder, lekkersté — en dit was met Klooster, wat darem weet van onthaal! Hoe lyk dit of die ander manne 'n bietjie kan kers opsteek?

Alabama het wel net 'n paar openings gehad, maar een van ons eerstejaars moes wys waar sy vandaan kom, en dit word nog 'n terrein waar Wag-'n-Bietjie verteenwoordig word.

Intussen word aanmekaar aan die sêr geoefen, èrens ook akademie bygebring, en met die baie reën bly die manne modder trap op ons volvloermatte — maar ons kla nie!

Heide

WANNEER Heide die woord karnaval hoor is hulle die ene ore, want vanjaar gaan hulle weer vir die ander koshuise wys wat groot gees is.

Die manne van Skuur het besluit dat hulle so gou as moontlik met hulle vlotboumaats wil kennis maak en daarom het hulle vloere twee, vier en ses uitgenooi om by hulle te kom fliëk. Die res van Heide bou saam met Over de Voor en hulle sien ook net so baie daarna uit. Soos Koos Kaffer altoos gesê het: „Gaan mal dis (amper) karnaval.”

Heide is nog altyd baie bedrywig met die Kloosterpikewyne soos dit baie duidelik uit die baie interaksies blyk. Een Woensdagnag het Heide sag oor die kampus gesluip met komberse en eetgoed in hulle hande en die inwoners van Klooster vergas op 'n sêr en 'n heerlike interkoeldrank daarna. Klooster was so in hulle skik met Heide se goeie sosiale hoedanighede dat hulle daar en dan besluit het op 'n lekker ou boeresport. Dié is toe gehou met volle sleep. aksies tot gevolg.

Intussen kry Heide maar net so koud soos die ander sonaanbidders van die Puk en wens dat hulle wintersklere liever maar by die koshuis as by die huis was.

KASKENADES

- 1) PUK het glo 'n nuwe Dameskoshuis gekoop in die dorp... Western Greyhound Buses.
- 2) Die manne sug dat jy so 'n dik wasemstreep sien — die winter kruip nader, en die rokke al laer en langer... Ons verneem dat klas-draf geen plesier meer is nie.
- 3) Die manne is glo lus vir mekaar in die komende rugby... Wie gaan wen? Die OOG.

KOOP 'n LOOP-HA E HONGER? Probeer ons Vetkoek.

MAALVLEIS 25c.
KERRIE 25c.
KAAS en KONFYT 25c.

Johan Malan (Edms.) Bpk.

VUURMAAKHOUT

OWENLAAN 2

en

GOEDERE ERF,

Potchefstroom Stasie.

TELEFOON 5371.

ONS LEWER AF

Posbus 69,
POTCHEFSTROOM.

—ST

sport

PIET BLY ONS REKORDKONING

DAAR is g'n keer aan Piet Meyer nie. Met verlede Saterdag se 30e Wes-Transvaalse Senior Atletiekkampioenskappe op Bill Swart-ovaal het hy nog 'n skakel aan sy rekordketting gelas toe hy sy eie Wes-Transvaalse rekord in die 5 000 m stap met 5,2 sek. oortref het. Sy wentyd was 22:17,0.

Meyer, wat deesdae pragtig op stryk is, het 41 sek. voor sy spanmaat en naaste teenstander, Deet Holzhausen, oor die wenstreep gestap. In die 800 m het Gerrie Jacobs mooi gnael. Hy het heelpad gemaklik voor gehardloop en in 'n vinnige tyd van 1:51,9 gewen.

Dawie Kuhn het vir 'n groot verrassing gesorg toe hy Alan Smit van Wanderers oor die 110 m hekkies geklop het in 'n tyd van 14,6. In die 1 500 m was dit Johnny Keyser wat die hele wedloop in die bondel gehardloop het, maar in die laaste rondte vorentoe geskiet het om tweede te kom agter Jurie Swanepoel in 3:57,0.

In die hoogspring het Deon Troskie puik vertoon en met 'n nuwe Wes-Transvaalse rekordhoogte van 2,07 m gewen.

Tweede was sy Puk-maat, Chris Spamer, met 1,95.

Dawie Malan het weer sy baasskap in die paalspring getoon met 'n hoë 4,46 m. Tweede was 'n oud-Puk, Cobus van der Colff, en derde Danie Weitz met 4,01 m.

Stephanie Kotzé, wat weer terug is op die Puk, het die verspring met 'n mooi afstand van 7,14 m gewen. Hans Booysen het 'n tweekuns behaal in die gewigstoot en skyfwerp.

Hy het onderskeidelik met 15,85 m en 50,12 m gewen. Henk du Toit was derde in die skyfwerp (43,60).

In die 100 m hekkies vir dames het Ria van der Berg vrou-alleen 'n tyd van 14,5 sek. aangeteken. Helena Louw was te goed vir haar teenstanders in die 3 000 m en het die afstand in 11:17,4 afgedraf.

In die verspring het Jorina Gunter maklik gewen met 'n afstand van 5,84 m. Marie van

der Westhuizen se wenafstand in die gewigstoot was 13,70 m. In die skyfwerp was sy derde met 46,24 m.



BO: Piet Meyer. (Foto: Fotokuns.)

PUKKE MAAK AMOK

DIE rugbyseisoen het nog nie eers begin nie en die Pukke se eerste span kan al spog met 'n reuse-oorwinning. Hulle het Allanridge verlede Saterdag op hul eie veld 'n drag slaie van 49-0 gaan gee. Hiermee het die S.A.U. rugbykampioene getoon dat hulle nie van plan is om vanjaar geklop te word nie.

Die Pukke het agt drieë gedruk waarvan drie vleuel Johan Steyn s'n was. Willie de Bruin, die Pukke se heel-agter, het ondanks die nat bal met agt van sy nege pogings na die pale geslaag. Alleen het hy altesaam sewentien punte met die skoen ingesamel.

Onder die voorspelers, wat oor hul teenstanders gestoomroller het, kan niemand maklik uitgesonder word nie. Dries Coetzer en Piet Brand het die lynstane heeltemal oorheers. Hulle was ook elkeen verantwoordelik vir 'n drie.

Koos Snyman het die vas-kopstryd sonder veel inspanning met 6-0 gewen en getoon dat hy beslis 'n haker is

met wie daar rekening gehou sal moet word. Onder die losvoorspelers het Eric le Roux en James Stoffberg elk twee drieë gedruk.

Die eerste helfte was besonder taai, veral gemeet aan Allanridge se stewige verdediging. Met hul skêr- en fopbewegings het die agterspelers die seisoen begin soos wat hulle die vorige suksesvolle seisoen afgesluit het. Die teenstanders het ná rustyd nie geweet waar om die gate orals toe te stop nie.

In die voorwedstryd het die Puk se tweede span groot amok gemaak. Hulle het Allanridge 11 skoon van hulle voete af gespeel en met 44-4 gewen.

LANGASEMS SPRING GOED WEG

MET die Landloopklub se vergadering verlede Donderdagaand (14 Maart) is daar groot planne be- raam vir die komende jaar. Die teenwoordiges het geesdriftig aan die vergadering deelgeneem.

'n Prysenswaardige besluit wat geneem is, is om vanaf vanjaar 'n koshuisliga in landloop in te stel. Aan die einde van die seisoen sal daar dan 'n trofee aan die beste koshuisspan oorhandig word. Ná elke wedloop sal die vier beste deelnemers elkeen 'n prys ontvang. Daar sal ook hardloopskoene, sweetpakke, hemde en dergelike pryse aan die einde van die seisoen aan die vier beste deelnemers oorhandig word.

Vir Karnaval beplan die klub 'n afloswedloop om die kampus. Spanne sal bestaan uit drie mans en drie dames elk van die mans- en dames-koshuis wat saam vlot bou. Die koshuise kan soveel span-

ne inskryf soos wat hulle wil. Die beste span asook die man en die dames met die vinnigste tyd sal pryse ontvang.

Verder die jaar beplan die klub 'n lesing oor oefenmetodes. 'n Uurbyeenkoms waarheen van die voorste atlete in die land uitgenooi gaan word, word ook in die vooruit-sig gestel. Die klub is van plan om net na Karnaval 'n vleis-braai by die Dam te hou vir sy lede om mekaar beter te leer ken.

Hoewel briljante individuele atlete soos Andries Krogman, Dirk Schoeman en Danie Gildenhuys nie meer hier is nie, is die nuwe lede almal van so 'n hoë gehalte dat die span as geheel moeilik geklop gaan word. Die nuwelinge, almal eerstejaars wat reeds op provinsiale vlak meegeding het, is: Johnny Keyser, Johan Marais, Gerrie Doorewaard, Jan van Ellewee, Jan Lubbe, Izak van der Linde en Hans Seastad.

LINKS: Andries Krogman is een van die puik atlete wat die Puk verlaat het. Hoewel hier talle belowende atlete in ons midde is, bly sy vertrek nogtans 'n groot verlies. (Foto: Fotokuns.)



BO: 'n Toneel uit die eindstryd om die Ted Sceales-trofee verlede jaar op Olënpark. (Foto: Fotokuns.)

Stoeiers lelik geknou

DIE Puk-stoeiers het verlede Vrydagaand seker een van hul grootste nederlae ooit gely toe hulle in Kloostersaal teen Yskor en Carletonville te staan gekom het. Die Pukke kon net twee van hul twaalf gevegte wen.

Henning Vorster en kaptein Pik Badenhorst was die enigste twee Pukke wat hul teenstander kon troef. Badenhorst het gou met J. Joubert klaargespeel deur hom in die eerste ronde met 'n val te wen. Vorster moes egter end-uit teen J. Holzhausen baklei voordat hy die spannende geveg met punte kon wen.

Springbok Johan van Zyl was beslis Yskor-Carletonville

se held van die aand. Hy het twee gevegte agtermekaar met valle gewen, eers teen Christo Krause en toe teen Danie de Goede.

Pik Badenhorst is egter vol vertroue vir die Puk se volgende kragmeting op 30 Maart teen Weermag. Volgens hom was die oorgrote meerderheid stoeiers aan Puk-kant Vrydagaand beginners wat nog nie fiks is nie. Met manne soos Danie Greeff, Johan Viljoen, Gerhard Brown en Christo Krause sien hy vir groot dinge kans.

STYWE LYNE

DIE viskatrolle het vroeg vanjaar begin sing met die Hengelklub se uitstalling in die Totius-saal. Die moeite wat met die uitstalling gepaard gegaan het was egter nie die moeite werd nie, want toe die hengelaars 'n week later vergader het, was talle belangstellendes teenwoordig.

Paul van der Nest is op die vergadering as nuwe penning-meester gekies. Die nuwe koshuissliga wat vanjaar ingestel is het onmiddellik groot belangstelling uitgelok. Die entoesiasme was so groot dat Over de Voor en P.G.D. besluit het om op 8 Maart lyne teen mekaar nat te maak. P.G.D. het die kompetisie gewen.

Die hengelkoors het ook na Wag'n-Bietjie uitgebrei en hulle beoog om aan die kompetisie deel te neme. Dames is baie welkom om by die klub aan te sluit. Ledekaartjies kan by Uitsleep-restaurant gekoop word.

Maties nie in Ted Sceales

NADAT die Universiteit van Stellenbosch aanvanklik bereid was om vanjaar voorlopig geloot te word vir die inter-universitêre Ted Sceales-rugbykompetisie, het hulle hul verlede week aan die reeks onttrek.

Hulle het geen redes vir hul onttrekking gegee nie. Die Universiteit sê net dat hy nie sy weg oopsien om vanjaar in die reeks te speel nie.

Maties het nog nooit aan die kompetisie deelgeneem nie en hulle is al baie daarvoor verkwalik. Elke keer het hulle die strawwe ligaprogram in die Westelike Provinsie as rede voorgedhou.

Die Pukke, wat verlede jaar die trofee vir die eerste keer verower het, is die huidige kampioenspan.

GELUK IS . . .



'n
GESKENK
van
TALITA
TROUSSEAU
BOUTIQUE

TEL. 7303 SANTAM-DEURLOOP.



MOTOLEK

Hierdie onderdele is by u plaaslike

MOTOLEK

verspreider verkrygbaar . . .

POTCH SPARES

Lombardstraat 39, Tel. 6077, 4595, POTCHEFSTROOM.

ELECTRICAL PARTS FOR JAPANESE CARS & TRUCKS.



—ST

OVER DE VOOR WEN KRIEKETBEKER

VOORWAAR het die Leeu van Over de Voor weer hard en duidelik gebrul toe hulle die beker in die koshuis-krieketliga gebuit het. Al ses die ligawedstryde, asook die een teen Personeel, het hulle oortuigend gewen.

'n Opsomming van die telkaart lyk baie indrukwekkend:

Piet Grobler 72/9 O.d.v. 76/1.
Wen met 9 paaltjies.
Klooster 67/10 O.d.v. 70/4.
Wen met 6 paaltjies.
Dawie Dup. 77/10 O.d.v. 81/2.
Wen met 8 paaltjies.
Skuur 64/10 O.d.v. 140/10.
Wen met 76 lopies.
Kompleks 50/10 O.d.v. 150/9.

Wen met 100 lopies.
Dorp 41/10 O.d.v. 102/10. Wen met 61 lopies.
Personeel 42/10 O.d.v. 143/8.
Wen met 101 lopies.
Uitblinkers aan Over de Voor se kant was baie, maar dit is veral Oswald van Niekerk die kaptein wat uitmuntende krieket gespeel het. Hy behaal 'n gemiddelde van 25 lopies in 4 kolfbeurte en knik-

ker 14 paaltjies in 4 wedstryde om vir 'n skrale 47 lopies.
Ander uitblinkers met die kolfbeurt was L. van Wyk en Nic Louw wat ook elk 'n gemiddelde 25 lopies per beurt het. Die boulders was veral André Claassen 14 paaltjies vir 79 lopies, ook Hendrik Kruger 10 vir 116 en Andries Vorster 7 vir 21 in twee wedstryde.



Over de Voor se elftal wat met Dorp klaargespeel het. Die span is v.l.n.r., agter: H. van Aswegen, L. van Wyk, A. Claassen, L. van der Klasthorst. Middel: A. Vorster, H. Kruger, T. Barnard. Voor: B. Rens, P. Keévé, O. van Niekerk (kapt.), I. Pieterse, A. Uys (Klubkaptein).

Saterdag se program

DIE volledige sportprogram vir môre se ingebruikneming van die Fanie du Toit sportterrein is (al die wedstryde word op die terrein beslis):

09h00: Krieket — P.U. Uitnodigingspan vs. Wes-Transvaal (Krieketveld).

Tennis — P.U. vs. Wes-Transvaal Uitnodigingspan (Tennisbane).

Rugby — Koshuise — Klooster I vs. Skuur I (B-veld).

— P.G.D. II vs. Skuur III (C-veld).

— Dawie Dup III vs. Kompleks III (D-veld).

Netbal — Aanvang van Mini-toernooi (Netvalvelde).

Dameshokkie — Karlien vs. Kasteel (A-veld).

— Heide vs. Wag-n-Bietjie (B-veld).

09h30: Rolbal — Interklubtoernooi (Rolbalbaan).

10h00: Rugby — Over de Voor I vs. P.G.D. I (B-veld).

— Kompleks II vs. Klooster

II (C-veld).

— Klooster III vs. Skuur IV (D-veld).

Atletiek — Feesatletiekbyeenkoms (A-veld).

Dameshokkie — Kulu-Dorp vs. Fort (A-veld).

— Klawerhof vs. Vergeet-My-Nie (B-veld).

11h00: Rugby — Dawie Dup I vs. Kompleks I (B-veld).

— Dawie Dup II vs. Over de Voor II (C-veld).

— Over de Voor III vs. P.G.D. III (D-veld).

Dameshokkie — Oosterhof-Soetdorings vs. Heide II (A-veld).

12h15: Rugby — P.U. III vs. P.U. o.20B (A-veld).

13h30: Rugby — P.U. o.20 vs. Noordwestelike Kommandement (A-veld).

14h00: Dameshokkie — P.U. I

vs. Wes-Transvaal Uitnodigingspan (A-veld).

Netbal — P.U. II vs. U.P. II (A-veld).

Krieket — Voortsetting van krieketwedstryd.

Tennis — Voortsetting van tenniswedstryde.

Korfbal — P.U. I vs. Wes-Transvaal Uitnodigingspan (A-veld).

14h30: Rugby — P.U. I vs. Oud-Pukke (A-veld).

Netbal — P.U. I vs. U.P. I (A-veld).

15h00: Manshokkie — P.U. I vs. Wes-Transvaal Uitnodigingspan (A-veld).

15h45: Rugby — P.U. I vs. S.A.U.-Uitnodigingspan (A-veld).

17h30: Formele opening van die Fanie du Toit sportterrein (Klubgebou).

Over de Voor klop Dorp

OVER DE VOOR het Saterdag die kroon op die span se oorwinning van die krieketbeker gespan deur hul onoorwonne rekord in hierdie seisoen te handhaaf.

Die krieketspan van Dorp is verneder toe hulle almal uitgehaal is vir 41 lopies binne 20 boulbeurte. Over de Voor het 102 almal uit aangeteken in 31,3 boulbeurte en wen dus met 61 lopies. Uitblinkers aan

die kant van Over de Voor was L. van Wyk met 22 (4 x 4) en P. Kieve 17 (1 x 4) terwyl al drie boulders wat gebruik is goed gevaar het. H. Kruger bouldontleding is egter fantasties.

H. Kruger 10-5-13-6.
A. Claassen 6-2-12-1.
A. Vorster 3-0-14-3.

Uitblinkers aan Dorp se kant was Zietsman wat 4 vir 39 uitgehaal het en Loots 2 vir 13.

Over de Voor se puik veldwerk het bygedra tot die oorwinning. Net een vangkans is verbrou — dit was egter 'n baie moeilike kans wat op byglip misgevang is.



Over de Voor jubel van blydschap nadat hulle die krieketseisoen onoorwonne teen Dorp afgesluit het.

KAMPIOENMAKERS

Hengelgerei

JAG



Safari
SPORT
EDMS. BPK

SANTAM - ARKADE
KERKSTRAAT
TEL. 7673
POTCHEFSTROOM

SPANNE VIR OPENING

DIE vernaamste besoekende rugby- en krieketspanne vir môre is:

Rugby: S.A.U.-uitnodigingspan: C. Gerber (UPE); K. Louw (UOVS); J. Swanepoel (UP); D. van der Wahl (UOVS); A. Laurence (Rhodes); D. Snyman (US); B. Borgen (Natal); L. Erasmus (RAU); G. Brookes (UP); H. Marais (kapt., UPE); B. Verster (UOVS); S. Botha (UOVS); E. Plumstead (UPE); G. Prinsloo (RAU); D. McDonald (UK).
Oud-Pukke: A. du Plooy; K. Coetzee; J. van der Schyff; H. Coetzee; D. van Wyk; P. van der Schyff; J. Barnard; P. Bosman; F. Postma; H. Coetzee; W. Kruger; T. Dannhauser (kapt.); H. Venter; K. du Plooy; R. Lotz.
Krieket: P.U.-uitnodigingspan: T. Goddard; F. de Beer; B. Schlebusch; M. van Zyl; P. de Vaal; M. Zondagh; S. Willemse; J. Middleton; W. Welman; M. van Jaarsveldt; F. van Aswegen.
Wes-Transvaal: B. Vernon (kapt.); D. Nelson; T. Mitchell; L. Metzger; T. Llewellyn; D. Kuter; M. Stocken; B. Truter; R. Gomez; A. du Preez.